



全
校
水
經
注

ル 5
134
3



東京書院
學樓圖書

字
134
3

水經注第六

所
齊

范陽酈道元注

鄞全祖望校

布政使銜浙江甯紹台兵備道無錫薛福成校刊

汾水

汾水出太原汾陽縣北管涔山

山海經曰北次二經之首在河之東其東今按戴無此字首

枕汾其名此二字曰管涔之山其上無木而多草

其此三字今按戴無下多玉汾水出焉今按趙有而字西流注于河

十三州志曰出武州之燕京山亦管涔之異名也其

山重阜脩巖有草無木泉源導于南麓之下蓋稚水

濛流耳又西南夾岸連山聯峰接勢

水經注卷六 汾水

劉淵族子曜嘗隱居今按戴作避于管涔之山夜中忽

有二童子入跪曰管涔王使小臣奉謁趙皇帝獻

劍一口置前再拜而去以燭視之劍長二尺光澤

非常背有銘曰神劍服今按戴無此字御除衆毒曜遂服

之劍隨時變為五色也後曜遂為胡王矣

汾水又南與東西溫谿合水出左右近谿

聲流翼注水上雜樹交蔭雲垂烟接自是水流潭

漲波襄轉泛

又南逕一城東

憑墉積石側枕汾水俗謂之代城

又南出二城間

其城角倚翼枕汾流世謂之侯莫干城蓋語出戎

方傳呼失實也

汾水又南逕汾陽縣故城東川土寬平峒山夷水故

今按戴無此字地理志曰汾水出汾陽縣北山西南流者也

漢高帝十一年封靳強為侯國後立屯農積粟在

斯為之羊腸倉山有羊腸坂在晉陽西北石磴縈

委按委通鑑注引作紆若羊腸焉故倉坂取名矣

漢永平中治呼沱石臼河按司馬彪後漢郡國志

常山南行唐縣有石臼谷按石臼河者濁漳水篇之澱水也出行唐入呼

沱詳見太平寰宇記。亦見淇水篇。蓋咨乘按御覽作資承。呼沱

之水轉山東之漕自都盧今按戴亦作資承。呼沱

汾水以漕太原用實秦晉胡三省曰續志引古今

沱河蒲吾渠通漕船前志于太原上艾縣曰縣曼

水東注蒲吾入呼沱水常山蒲吾縣曰太白渠水

首受綿曼水東南至下曲陽入斯凌則知此漕自

太白入綿曼自縣曼轉入汾水以達羊腸也。梓

材按此自重校本錄入苦役連年轉運所經凡三百八十九

隘死者無算拜鄧訓為謁者監護水功訓隱括知

其難立具言肅宗肅宗從之全活數千人和熹鄧

后之立叔父陔以為訓積善所致也羊腸即此倉

也

又南逕秀容城東舊脫此句先司空公以宋本增

魏土地記曰秀容胡人徙居之立秀容護軍治爾

朱榮傳高祖羽健從魏主伐晉陽中山有功魏主

以南秀容川原衍沃欲令居之羽健曰家世奉國

給侍左右北秀容既在剗內差近京師豈以沃墾

更遷遠地魏主許之環其所居割地三百里以封

之然則北秀容蓋近平城也南秀容始近晉陽地

形志曰永興二年置秀容郡秀容縣屬肆州其以

南秀容統北秀容與其後南秀容牧子萬千乞真

反榮討平之蓋奄有南北二秀容之地矣胡三省

曰北秀容漢定襄縣界南秀容漢汾陽縣界而項

安世家說謂秀容劉淵所築城淵生于汾陽因改

名秀容不知定襄先有秀容之名東去汾水六十

里按通鑑注引亦曰六十

南與酸水合水源西出少陽之山東南流注于汾水

南與酸水合水源西出少陽之山東南流注于汾水

南與酸水合水源西出少陽之山東南流注于汾水

汾水又南出山東南流洛陰水注之水出新興郡西流逕洛陰城北又西逕孟縣故城南

春秋左傳昭公二十八年分祁氏七縣為大夫之

邑以孟今案戴作孟丙為孟大夫

洛陰水又西逕狼孟縣故城南

王莽之狼調也左右夾澗幽深南面大壑俗謂之

狼馬澗舊斷澗為城有南北門門闔故壁尚在

洛陰水又西南逕陽曲城北

魏土地記曰陽曲胡寄居太原界置陽曲護軍治

其水西南流注于汾水汾水又南逕陽曲城西南注

也

東南過晉陽縣東晉水從縣東南今按戴作南東流注之

太原郡治晉陽城秦昭今按戴作莊襄王三年立尙書

所謂既修太原者也春秋說題辭曰高平曰太原

原端也平而有度廣疋曰大鹵太原也釋名曰地

不生物曰鹵盧按釋名云鹵墟也。今按戴無盧字作鹵墟也三字穀梁傳

曰中國曰太原夷狄曰大鹵尙書大傳曰東原底

平大而高平者謂之太原郡取稱焉

魏土地記曰城東有汾水南流水

東有晉使持節都督并州諸軍事鎮北將軍太原

成王之碑水上舊有梁清泚今案戴作青莽殞于梁下豫讓死於津側亦襄子解衣之所在也

汾水西逕晉陽城南

舊有介子推祠祠前有碑廟宇傾頽唯單碑獨存矣今文字剝落無可尋也

又南洞渦今案戴作過下同水從東來注之

汾水又南逕梗陽縣故城東

故榆次之梗陽鄉也魏獻子以邑大夫魏戊也京相璠曰梗陽晉邑也今太原晉陽縣南六十里榆次界有梗陽城

汾水又南即洞渦水會者也

又南過大陵縣東

昔趙武靈王遊大陵夢處女鼓琴而歌想見其人吳廣進孟姚焉即于此縣也王莽改曰大寧矣

汾水於縣左迤為鄔澤廣雅曰水自汾出為汾陂其

陂東西四里南北一今案戴無此字十餘里陂南接鄔地理

志曰九澤在北并州藪也呂氏春秋謂之大陸又名

之曰漚洩之澤俗謂之鄔城泊按胡渭曰冀州大陸有三一在鉅鹿之北

孫炎曰今鉅鹿縣廣河澤是也此乃禹貢之大陸班固亦以為然一在河內修武左傳定公元年魏舒田于大陸還卒于寧杜預曰疑即吳陂澤近寧是也一在太原鄔縣即昭餘祁道元亦謂之大陸予觀呂氏

春秋九藪吳之具區楚之雲夢秦之陽華晉之大陸
梁之圃田宋之孟諸齊之海隅趙之鉅鹿燕之大昭
所謂鄔澤乃昭餘祁也其以爲大陸者善長也蓋
燕耳固未嘗以大陸當之其以爲大陸者善長也蓋
晉之大陸卽趙之鉅鹿今分而爲二則不得不別以
太原之鄔當之矣而不知又與大昭復也亦無一名
漚漢之說蓋漚洩乃漚水也職方漚洩爲并州之川
昭餘祁爲并州之藪不可漚也善長于漚水篇亦知
爲漚洩之水而此又漫言之地形志亦仍其謬○趙
本引全氏曰昭餘祁是鄔水譌而爲漚水鄔字之
變也是爲并州藪若并州之川曰漚洩則漚也呂覽
以二者合而爲一善長于漚水明指爲漚洩矣而鄔
水又漚引之許慎說文曰漚水出西河中陽縣北沙
蓋失檢也

南入河卽此水也漚水又會嬰侯之水山海經稱謁

戾之山嬰侯之水出于其陰北流注于汜今案戴作祀下同

水右今案戴作水出汜山其水殊源共合今案戴作舍注于嬰

侯之水亂流逕中都縣南俗又謂之中都水侯甲水
注之水發源祁縣胡甲山

有長坂謂之胡甲嶺卽劉歆遂初賦所謂越侯甲
而長驅者也蔡邕曰侯甲亦邑名也在祁縣

侯甲水又西北歷宜歲郊逕太谷謂之太谷水出谷
西北流逕祁縣故城南自縣連延西接鄔澤是爲祁

藪也卽爾雅所謂昭餘祁矣

賈辛邑也辛貌醜妻不爲言與之如臯射雉雙中
之則笑也朱謀埠曰左傳指賈大夫非賈辛也王莽之示縣也

又西逕京陵縣故城北

王莽更名曰致城矣於春秋為九原之地也故國語曰趙文子與叔向遊于九原曰死者若可作也

吾誰與歸叔向曰其陽子乎文子曰夫陽子行廉

直今按戴作并植於晉國不免其身智不足稱今按此下戴有叔向

曰其舅犯乎文子曰夫舅犯見利不顧其君仁不足稱二十三字吾其隨會乎納

諫不忘其師矣今按戴無矣字而有言身不失其友事君不援而進不阿而退十六

字故其京今按戴作其故京趙無故字尚存漢興增陵於其下

故曰京陵焉顧炎武曰京陵今之平遙此因禮記九原或作九京而附會之占者卿大夫之葬必在國都之北不得遠涉數千里葬于平

遙也太平西南二十五里有九原山近是○此重校

本

侯甲水又西北逕中都縣故城南

城臨際水湄春秋昭公二年晉侯執陳無宇於中

都者也漢文帝為代王都此武帝元封四年上幸

中都宮殿上見光赦中都死罪以下

侯甲水又西合于嬰侯之水逕鄆縣故城南

晉大夫司馬彌牟之邑也

謂之鄆水也今按戴無此字俗亦曰慮水

慮鄆聲相近故因變焉

又西北入鄆陂而歸于汾流矣

又南過平陶縣東文水從西來流注之

全宋文卷之六 汾水

汾水又南與石桐水合卽縣水也水出界休縣之縣
山北流逕石桐寺西

卽介子推之祠也昔子推逃晉文公之賞而隱於
縣上之山也晉文公求之不得乃封縣爲介子推
田曰以志吾過且旌善人因名斯山爲介山故袁
山松郡國志曰界休縣有介山有今按戴無此字縣上聚
子推廟王肅喪服要記曰昔魯哀公祖載其父孔
子問曰寧設桂樹乎哀公曰不也桂樹者起于介
子推子推晉之人也文公有內難出國之狄子推
隨其行割肉以續軍糧後文公復國忽忘子推子

推奉唱而歌文公始悟當受爵祿子推奔介山抱

木而燒死國人葬之恐其神魂竄於地按賈舊作賈朱謀璋

謂當作賈亦無解○今案戴趙並依全改賈故作桂樹焉吾父生於宮

殿死于枕席何用桂樹爲余按夫子尙非璵璠今按

戴作璠璠璵送葬安能問桂樹爲禮乎王肅此證近於誣

矣

石桐水又西流注于汾水汾水又西南逕界休縣故

城西

王莽更名之曰界美矣城東有徵士郭林宗朱子

浚二碑宋沖以有道司徒徵林宗縣人也辟司徒

舉太尉以疾辭其碑文云將蹈洪崖之遐迹紹巢
由之逸軌翔區外以舒翼超天路今案戴作衢以高峙

稟命不融享年四十有三建寧四年正月丁亥卒

沈炳異曰本傳是建寧二年其年四十有二○漢

隸字源作乙亥攷范史靈紀是年正月甲子則乙

亥是也○今案戴本徑改凡我四方同好之人永

懷哀痛乃樹碑表墓昭銘景行云陳留蔡伯喈范

陽盧子幹扶風馬日磾等遠來奔喪持朋友服心

喪暮年者如韓子助宋子浚等二十四人其餘門

人著錫衰者千數其碑文故今案戴本無此四字蔡伯喈謂

盧子幹馬日磾曰吾為天下碑文多矣皆有慙容

唯郭有道無愧於色矣汾水之右有左部城按左部城

即左國城側臨汾水蓋劉淵為晉都尉所築也

又南過冠爵津

汾津名也在界休縣之西南俗謂之雀鼠谷數十

里間道險隘水左右悉結偏梁閣道累石就路縈

帶巖側或去水一丈或高五六尺御覽引此作或

五六尺上戴山阜下臨絕澗俗謂之魯般橋蓋通古

之津隘矣亦在今之地險也按太平寰宇記靈石

過冠爵津與桐水合注云汾水關名在雀鼠谷一名

雀鼠谷其文皆與今本不合校勘日蓋增損其文也

又南入河東界又南過永安縣西

故彘縣也周厲王流於彘卽此城也王莽更名黃城漢順帝陽嘉三年改曰永安縣霍伯之都也

歷唐城東

今按此四字戴作經

瓚今按戴本瓚上有薛字注漢書云堯所都也東去彘十里

汾水又東

今按戴作南

與彘水合水出東北太岳山

禹貢所謂岳陽也卽霍太山矣上有飛廉墓飛廉以善走事紂惡來以多力見知周今按戴有武字王伐紂兼殺惡來飛廉先爲紂使北方還無所報乃壇於霍太山而致命焉得石棺銘曰帝令處父不與殷

亂賜汝石棺以葬死遂以葬焉霍太山有岳廟廟甚靈鳥雀不棲其林猛虎常守其庭又有靈泉以供祭祀鼓動則泉流聲絕則水竭湘東陰山縣有侯曇山上有靈壇壇前有石井深數尺居常無水及臨祈禱則甘泉湧出周用則已亦其比也

彘水又西流逕觀阜北

故百邑也原過之從襄子也受竹書於王澤以告襄子襄子齋三日親自剖竹有朱書曰余霍太山山陽侯天使也三月丙戌余將使汝反滅智氏汝亦立我於百邑也今按戴無此字襄子拜受三神之命遂

滅智氏祠三神於百邑使原過主之世謂其處為觀阜也

銍水又西流逕永安縣故城南西南流注于汾水汾水又南逕霍城東

故霍國也昔晉獻公滅霍趙夙為御霍公求奔齊晉國大旱卜之曰霍太山為祟使趙夙召霍君奉

祀晉復穰也今按戴無此字蓋霍公求之故居也

汾水又逕趙城西南

穆王以封造父趙氏自此始也

汾水又南霍水入焉水出霍太山發源成潭漲七十

步而不測其深西南逕趙城縣東三十八里廣勝寺

大郎神按神即祠也西流至洪洞縣界注于汾水按自趙城縣以下以太平寰宇記所引校得之今案自縣東至縣界十九字戴趙本無之而有南西流三字

又南過楊縣東

澗水東出穀遠縣西山西南逕今案趙有楊縣二字霍山南又

西逕楊縣故城北

晉大夫僚安之邑也顧炎武曰左傳昭公二十八年僚安為楊氏大夫應

劭曰故楊侯國王莽更名有年亭也顧祖禹曰括地志及太平

寰宇記以為鉅鹿郡之楊氏縣是今趙州之寧晉縣誤也此自重校本錄入

其水西流入于汾水趙一清曰即今洪洞縣澗水○此重校本汾水逕楊

城西不於東矣

魏土地記曰平陽郡治楊縣郡西有汾水南流者是也

西南過高粱邑西

黑水出黑山西逕楊城南又西與巢山水會山海經曰牛首之山勞水出焉西流注于滴水疑是水也滴水即巢山之水也水源東南出巢山東谷北逕浮山東又西北流與勞水合按太平寰宇記曰一名虜投交水其名不可曉亂流西北逕高粱城北西流入于汾水今案戴本重又南逕高粱故城西

故高粱之墟也春秋僖公二十四年秦穆公納公

子重耳於晉害懷公於此竹書紀年晉出公三十

年沈炳巽曰今竹書是十三年朱謀埠以爲二十年非也○今案戴趙徑改十三

城高粱漢高帝十二年以爲侯國封恭侯酈疥於

斯邑也

又南過平陽縣東

汾水又南逕白馬城西

魏刑白馬而築之故世謂之白馬城今平陽治

汾水又南逕平陽縣故城東

晉大夫趙鼂之故邑也沈炳巽曰鼂左傳作朝古本通應劭曰縣

在平河之陽堯舜並都之也竹書紀年晉烈公元

年韓武子都平陽漢初曹參擊魏王豹走之盡有

魏地後封列侯食邑平陽固斯境矣按曹學佺本有此二十六

字今采補之○今案趙本同戴本無此二十六字昭帝封度遼將軍范明

友為侯國沈炳巽曰本表明友封平陵王莽之香平也晉今案戴作

魏立平陽郡治此矣水側有堯廟廟前有碑魏土

地記曰平陽城東十里汾水東原上有小臺臺上

有堯神屋石碑永嘉三年劉淵徙平陽於汾水得

白玉印方四寸高二寸二分龍紐其文曰有新寶

之印王莽所造也淵以為天授改永鳳二年為河

瑞元年

汾水南與平水合水出平陽今按戴有縣字西壺口山尚書

所謂壺口治梁及岐也其水東逕狐谷亭北胡渭曰冀州山

以壺口名者三一在今吉州西南漢志所謂北屈縣東南者也是乃禹貢之壺口一為今汾陰縣西南之

平山平水所出亦名壺口亦曰姑射山道元謬以為尚書之壺口者也一在今潞城左傳哀公四年齊國

夏伐晉取壺口杜注潞縣東有壺口關

春秋時狄侵晉取狐廚者也

又東逕平陽城南東入汾俗以為晉水非也汾水又

南歷襄陵縣故城西

晉大夫卻犇之邑也故其地有犇氏鄉亭矣西北

有晉襄公陵按諸本皆脫此句今以漢志縣蓋即注補之○今按戴趙並依增

陵以命氏也梓材案舊本作縣蓋即陵以名世也趙氏朱箋刊誤云全氏校本縣上補

西北有晉襄公陵七字名世字誤當作命氏黃省曾本原是氏字王莽更名曰幹

昌矣

又南過臨汾縣東

天井水出東陘山西南

北有長嶺嶺上東西有通道即鉞陘也穆天子傳

曰乙酉天子西絕鉞陘西南至鹽是也按本傳鉞音邢郭注

鉞山

其水三泉奇發西北流總成一川西逕堯城南又西

今案趙有南字流入汾

又屈從縣南西流

汾水又逕絳縣故城北

竹書紀年梁惠成王今案戴作武王二十五年絳中地墉

西絕於汾

汾水西逕虓祁宮北

橫水有故梁截汾水中凡有三十柱柱徑五尺裁

與水平蓋晉平公之故梁也物在水故能持久而

不敗也

又西逕魏正平郡南

故東雍州治太和中皇都徙洛罷州立郡矣

又西逕王橋今案戴作澤澮水入焉

又西過長修縣南

汾水又西與古水合水出臨汾縣故城西黃阜下其大若輪西南流故溝橫出焉東注於汾今無水又西南逕魏正平郡北又西逕荀城東

古荀國也汲郡古文晉武公滅荀以賜大夫原氏

黯是為荀叔今案戴本無也按原文尚有此黯以下五字五字今本脫

古水又西南入于汾汾水又西南逕長修縣故城南

漢高帝十一年以為侯國封杜恬也

有修水出縣南而西南流入汾汾水又西逕清原城

北北水南四十里山東西二十里南北三十里高

故清陽亭也城北有清原晉侯蒐清原作三軍處也

汾水又逕冀亭南

昔白季使過冀野見卻缺耨其妻饁之相敬如賓言之文公文公命之為卿復與之冀京相璠曰今河東皮氏縣有冀亭古之冀國所都也杜預釋地曰平陽皮氏縣東北有冀亭即此亭也

汾水又西與華水合水出北山華谷西南流逕一作

於故城西

俗謂之梗楊城非也梗楊在榆次在此宋本作非在此

○今案趙从宋本戴作不在此案故漢上谷長史侯相碑云侯氏

出自倉頡之後踰殷歷周各以氏分或著楚魏或

顯齊秦晉卿士薦斯其裔一作曹○今也按士薦案戴作曹

如此當如左傳士甸所言食采華陽今蒲坂北亭地今按戴無此字即

是城也

其水西南流注于汾汾水又逕稷山北

在水南四十許里山東西二十里南北三十里高

十三里西去介山一今案戴無此字十五里山上有稷祠

山下稷亭春秋宣公十五年秦桓公治兵於稷以

略狄土是也孫汝澄曰左傳秦桓公伐晉晉侯治兵于稷以略狄土○今按戴本依此

補伐晉晉侯四字

又西過皮氏縣南

汾水西逕邠邠北

故漢氏之方澤也賈逵云漢法三年祭地汾陰方

澤澤中有方邱故謂之方澤邱即邠邱也顧炎武曰邠葵

通漢儀作葵邱見師古注宋史鎮王元許慎說文

稱從邑突聲河東臨汾地名矣在介山北山即汾

山也其山特立周七十里高三十里文穎言在皮

氏縣東南側今案戴作則可三十里乃非也今準此山

可高十餘里山上有神廟廟側有靈泉祈祭之日

周而不耗世亦謂之子推祠楊雄河東賦曰靈輿

安步周流容輿以覽于介山嗟文公而愍推兮勤

大禹于龍門晉太康記及地道記與永初記並言

子推所逃隱于是山即實非也余按介推所隱者

縣山也文公環而封之為介推田號其山為介山

杜預曰在西河界休縣者是也閩若璩曰襄十三

上必近國都之地定六年趙鞅逆宋樂祁于縣上

其不出于西河界休尤明甚則是縣上者當是今

翼城縣西之縣山世稱之為小縣山者也非介山

也而汾陰別有介山亦早見漢志及武帝本紀河

東賦所據也。此自重校本錄入

汾水又西逕耿鄉城北

故殷都也帝祖乙自相徙此為河所毀故書敘曰

祖乙圯于耿杜預曰平陽皮氏縣東南耿鄉是也

盤庚以耿在河北迫近山川乃自狄遷亳後今案戴無

此晉獻公滅之今案戴作耿以封趙夙後襄子與韓魏

分晉韓康子居平陽魏桓子都安邑號為三晉此

其一也漢武帝行幸河東濟汾河作秋風辭于斯

水之上

汾水又西逕皮氏縣南

竹書紀年魏襄王十二年秦公孫爰率師伐我圍

皮氏翟章率師救皮氏圍疾西風按四字疑十三年城

皮氏者也

漢河東太守潘係穿渠引汾水以溉皮氏縣故渠尚

存今無水按汾陰渠詳見漢書溝洫志○今案句末戴有也字

又西至汾陰縣北西注于河

水南有長阜背汾帶河阜長四五里廣二里餘高十

丈汾水歷其陰入河漢書謂之汾陰雕

應劭曰雕邛類也汾陰男子公孫祥望氣寶物之

精上見祥言之于武帝武帝于水獲寶鼎焉遷于

甘泉宮改其年曰元鼎即此處沈炳巽曰望氣者

洋上遂立后土祠于汾陰雕見漢書郊祀志得鼎

者汾陰巫錦上遂改元見史記封禪書自是二事

且公孫滂洋非祥也得鼎于地非水也○汾水舊

縣葫蘆灘南入河

澮水

澮水出河東絳縣東澮交東高山

澮水東出絳高山絳諸本誤作詳亦曰河南山又曰澮山西

逕翼城南許慎曰澮水出霍山西

按詩譜言晉穆侯遷都于絳暨孫孝侯改絳為翼

翼為晉之舊都也後獻公又今案戴北廣其城方

二里又命之為絳故司馬遷史記年表稱獻公九年始城絳都左傳莊公二十六年晉士蔿城絳以深其宮是也

其水又西南合黑水水導源東北黑水谷西南流逕翼城北右引北川水今按戴本重水字出平川南流注之亂流西南入澮水澮水又西南與諸水合謂之澮交

竹書紀年曰莊伯十二年翼侯焚曲沃之禾而還作為文公也按此句上有脫文

又有賀水東出近川西南至澮交入澮又有高泉水出東南近川西北趣澮交注澮又南紫谷水東出白

馬山白馬川

西遁甲開山圖曰絳山東距白馬山謂是山也按善長于

東郡白馬縣下疑為開山圖所云之白馬山似當以此為是。此重校本

西逕熒庭城南而西出紫谷與乾河合即教水之枝川也程公說曰今絳州翼城縣東南八十五里有古熒庭城即左傳二十三年張武軍于熒庭之地史記白起傳稱起今案戴涉河取韓安邑東至乾河是也

其水西與田川水合水出東谿西北至澮交入澮又有于今案趙家水出于家谷

竹書紀年曰莊伯以曲沃叛伐翼公子萬救翼荀

叔軫追之至于家谷

有范壁水出于壁下並西北流至翼廣城

昔晉軍北入翼廣以今案戴無此字築之因即其姓以名

之按此處又有脫文

二水合而為今案戴無此字西北流至澮交入澮澮水又西

南與絳水合俗謂之白水非也水出絳山東按諸本有至字

趙並依刪今案戴寒泉奮湧揚波北注縣流奔壑一十許

丈青崖若點黛素湍如委練望之極為奇觀矣其水

西北注流于澮

應劭曰絳水出絳縣西南蓋以故絳為言也史記

稱智伯率韓魏引水灌晉陽不沒者三版智氏曰

吾始不知水可以亡人國今乃知之汾水可以浸

平陽今案戴作安邑絳水可以浸安邑今案戴作平陽時韓居平

陽魏居今案戴作都安邑魏桓子肘韓康子韓康子履

魏桓子肘足接于車上而智氏以亡魯定公問一

言可以喪邦有諸孔子以為幾乎余觀今案戴作觀智

氏之談矣汾水灌平陽今案戴作安邑或亦有之絳水澆

安邑今案戴作灌平陽未識所由也胡三省曰道元謂絳

所由括地志云絳水一名白水今名沸泉源出絳山飛泉奮湧積壑三十餘丈可接引北灌平陽城道元未嘗至河東故致疑耳○閻若璩曰今本竟互易其文而朱謀埠輩不能引身之本以校正之

○按閻氏之言主胡氏而顧氏祖禹不以爲然謂當是汾水灌平陽絳水灌安邑舊史所云乃文互耳括地志亦因舊史強爲附會閻顧二家並精地學且交最厚而其論亦有不同如此者○趙一清曰梁書韋叡傳所引是汾水灌平陽絳水灌安邑與今本同○此並重校本

西過其縣南

春秋成公元年今按戴作六年下文悼公改景公魏莊改韓獻晉悼公謀

去故絳欲居郇瑕魏莊子曰土薄水淺不如新田

有汾澮以流其惡遂居新田又謂之絳卽絳陽也

蓋在絳澮之陽漢高帝六年封越騎將軍華無害

爲侯國按周嬰曰故絳新絳杜注皆以爲平陽之絳甚可疑而絳陽之封索隱以爲無其地

按漢表作終陵又與史表不同恐未足爲新田之證按何不引絳侯而反引絳陽侯也○閻若璩曰

故絳在太平縣南二十五里絳州之北土人至今呼故晉城新絳去故晉城五十里土人呼爲王官城

縣南對絳山面背二水

古文瑣語曰晉平公與齊景公乘至於澮上見乘

白驂八駟以來有犬狸身而狐尾隨平公之車公

問師曠對曰今案戴無此字首陽之神有犬狸身狐尾其

名曰朱謀埠曰一作逢君者飲酒得福則徼之蓋于是水之

上也

又西南過虎祁宮南

宮在新田絳縣故城西四十里晉平公之所構也

時有石言于魏榆晉侯以問師曠曠曰石不能言
或憑焉臣聞之作事不時怨譎動于民則有非言
之物言也今宮室崇侈民力彫盡石言不亦宜乎
叔向以為子野之言君子矣其宮地今案戴背汾
面澮西則兩川之交會也竹書紀年曰晉出公五
年澮絕于梁按梁即鹿祁宮之梁見汾水篇即是水也
又西至王澤注于汾水
晉智伯瑤攻趙襄子襄子奔保晉陽原過後至遇
三人于此澤自帶以下不見持竹二節與原過曰
為我遺無郵原過受之于是澤所謂王澤也

涑水

涑水出河東聞喜縣東山黍葭谷按太平寰宇記校勘曰水經涑水出黍葭今記引之作黍葭未知孰是近日水經本皆作黍葭似參二本而折衷之者然于文義甚合
涑水所出俗謂之華谷至周陽與洸水合按太平寰宇記華作葦誤也前汾水篇長修縣有華谷即後周書韋章孝寬傳之長秋城華谷也蓋在玉壁水源東出
清野山世人以為清襄山也其水東逕大嶺下西流
出謂之哈口又西合涑水
鄭使子產問晉平公疾平公曰卜云臺台今按戴作駘
為崇史官莫知敢問子產曰高辛氏有二子長曰
閼伯季曰實沈不能相容帝遷閼伯于商邱遷實

沈于大夏臺台實沈之後

按以臺台為實沈後似乎未讀左傳。趙本引

全氏曰按善長于左學甚疏左氏明云實沈出高辛為參神臺台出金天為汾神是二崇也乃曰臺

台實沈之後能業其官帝用嘉之國于汾川由是不其舛與

觀之臺台汾洮之神也賈逵曰汾洮二水名司馬

彪曰洮水出聞喜縣故王莽以縣為洮亭也按漢志莽

以左邑為洮亭不以聞喜也。梓材按趙本引全校又云下注可驗蓋善長失檢也然則洮

水殆亦洮水之兼稱乎

又今按戴無此字西過周陽邑南

其城南臨涑水北倚山原竹書紀年晉獻公二十

五年正月翟人伐晉周有白兔舞于市即是邑也

沈炳巽曰竹書獻公元年周陽白兔舞于市其與二十五年翟人伐晉無豫也。此自重校本錄入

漢景帝以封田勝為侯國也沈炳巽曰史表田勝

上郡則是陽周之諺也善長又誤引。按趙兼田勝皆封周陽索隱皆以為陽周然考周陽由以周

陽侯受姓則非陽周矣恐是索隱之誤而道元所云足以證漢表也。今按句末戴無也字

涑水西逕董澤陂南

即古池東西四里南北三里春秋文公六年蒐于

董澤即斯澤也何焯曰左氏文公六年蒐于董杜

澤之陂杜注聞喜縣有董澤二董不同。續漢志分書二董于其縣而劉昭仍誤合之何氏之辨甚

足權史。今案戴本徑刪澤字

涑水又與景水合水出景山北谷山海經曰景山南

望鹽販之澤北望少澤其草多藹與秦椒其陰多赭其陽多玉郭景純曰鹽販之澤即解縣鹽池也按經不言有水今有水焉西北流注于涑水也

又西南過其

今案戴

縣南

趙琦美云一本但作又西無南字

涑水又西逕仲邨郭北

趙琦美曰今本妄作仲邨郭小學書中無邨字○今案戴

本作邨又西逕桐鄉城北

竹書紀年曰翼侯伐曲沃大捷武公請成于翼一趙

清曰周桓王之元年莊伯正在武公何至桐乃返以請成不足信○梓材按今趙本所無

者也趙琦美曰今本妄作桐庭以竹書本文漢書校○今案戴本依刪趙本仍衍庭字

曰武帝元鼎六年將幸緱氏至左邑桐鄉聞南越

破以為聞喜縣者也

涑水又西與沙渠水合水出東南近川西北流注于

涑水涑水又西南逕左邑縣故城南

故曲沃也晉武公自晉陽徙此按晉穆侯自晉陽徙曲沃善長

之言誤矣秦改為左邑縣詩所謂從子于鵠者

也春秋傳曰下國有宗廟謂之國在絳曰下國矣

即新城也王莽之洮亭也

涑水自城西注

水流急濬輕津無緩故詩人以爲激揚之水言不能流移東薪耳水側即狐突遇申生處也春秋傳

曰秋狐突適下國遇太子太子使登僕曰夷吾無禮吾請帝以畀秦對曰神不歆非類君其圖之君曰諾請七日見我于新城西偏及期而往見于此處故傳曰鬼神所憑有時而信矣沈炳巽曰鬼神二句是杜注

涑水又西逕王官城北

城在南原上春秋左傳成公十三年四月晉侯使呂相絕秦曰康猶不悛入我河曲伐我涑川俘我王官故有河曲之戰是矣今世人猶謂其城曰王城也按涑川當以此涑水為是以其與王官近也非河北之涑善長兩引之

又西南過安邑縣西

安邑禹都也禹娶塗山氏女思戀本國築臺以望之今城南門臺基猶存余按禮天子諸侯臺門隅阿相降而已未必一如書傳也故晉邑矣春秋時魏絳自魏徙此昔文侯縣今按戴作懸師經之琴于其門以為言戒也按事見說苑武侯二年又城安邑蓋增廣之秦始皇使左更白起取安邑置河東郡王莽更名兆隊按兆隊乃巨君六隊之一今本漢志亦誤作洮陽以莽傳考之則知善長所見之洮陽當作洮隊以莽傳考之則知善長所見之漢書亦已誤矣○今案戴作洮隊趙作洮陽縣曰河東也有項寧都學道昇仙按論衡作曼都忽復還此河東號曰斥仙漢世又有閔仲叔隱遯市邑罕有

知者後以識瞻而去

涑水又

今按戴無此字

西南逕監鹽縣故城

按監鹽猶言司鹽也城南

有鹽池鹽水承之

今案此四字戴趙作上承鹽水

水出東南薄山西

北流逕巫咸山北

地理志曰山在安邑縣南海外西經曰巫咸國在

女丑北右手操青蛇左手操赤蛇在登葆山羣巫

所從上下也大荒西經云大荒之中有靈山巫咸

巫卽巫盼巫彭巫姑巫貞

今案戴作真

巫孔

今山海經貞作真孔

作禮○今按戴亦作禮

巫抵巫謝巫羅十巫從此升降百藥

爰在郭景純曰言羣巫上下靈山采藥往來也蓋

神巫所遊故山得其名矣谷口嶺上有巫咸祠

其水又逕安邑故城南又西流注于鹽池地理志曰

鹽池在安邑西南許慎謂之

今按趙有鹽字

鹽長五十一里

廣六

今按戴作七

里周一

今按戴無此字

百一十四

今按戴作六

鹽省古聲呂忱曰宿

今案戴作夙

沙

今按戴初作二字

黃海謂之

今按戴本無此二字鹽河東鹽池謂之解鹽

今按此二字戴作一

今池

水東西七十里南北十七里紫色澄渟渾

今按戴作潭

不流水出石鹽自然印成朝取夕復終無減損唯

戴有山字水暴

今案戴有至字

雨澍甘

今案戴作潢

潦奔洑則鹽池用

耗故公私其竭水徑防其淫濫故

今按戴無此字謂之鹽水

亦今案戴有爲塌水也故此二字山海經謂之鹽
販之澤也

澤南面層山天巖雲秀池今案戴趙均作地谷泉今按戴作淵
深左右壁立間不容軌謂之石門路出其中名之
曰徑南通上陽北暨鹽澤

池西又有一池謂之女鹽澤東西二十五里南北二
十里在猗氏故城南

春秋成公六年晉謀去故絳大夫曰郇瑕地沃饒
近鹽左傳作沃饒而近鹽伏虔曰土平有漑曰沃鹽鹽池也
土人鄉今按戴無此二字俗引今案戴裂今案戴沃麻梓

案舊本作引水裂沃麻趙氏朱箋刊誤分灌川野
云箋曰裂字疑衍全氏云當衍水字
畦水耗竭土自成鹽即所謂鹹鹺也而味苦號曰
鹽田鹽鹽之名始資是矣本司鹽都尉治領兵一
今按戴千餘人守之周穆王漢章帝並幸安邑而
無此字
觀鹽池故杜預曰猗氏有鹽池後罷尉司分猗氏
安邑置縣以守之

又南過解縣東又西南注于張陽池
涑水又西逕猗氏縣故城北

春秋文公七年晉敗秦于令狐至于劓首先案
戴作奔秦士會從之闞駟曰令狐即猗氏也劓首

在西三十里縣南對澤即猗頓之故居也孔叢曰
猗頓魯之窮士也耕則常饑桑則常寒聞朱公富
往而問術焉朱公告之曰子欲速富當畜五牝于
是乃適西河大畜牛羊于猗氏之南十年之間其
息不可計貲擬王公馳名天下以興富于猗氏故
曰猗頓也

涑水又西逕郇城

詩云郇伯勞之蓋其故國也杜元凱春秋釋地云
今解縣西北有郇城服虔曰郇國在解縣東郇瑕
氏之墟也余按竹書紀年云晉惠公十有五年
炳

巽曰當作惠公十四年已見河水
篇潼關下。今按戴本徑改十四秦穆公率師送

公子重耳圍令狐桑泉曰衰皆降于秦師狐毛與
先軫禦秦至于廬柳乃謂秦穆公使公子繫來與

師言退舍次于郇盟于軍何焯曰狐毛等乃從重
耳者董熄曰其時晉將

為呂卻。趙本引全氏曰狐毛與子犯兄弟並從
文公其父突以此死如何反為子圍禦秦師即竹
書之繆京相璠春秋土地名曰桑泉曰衰並在解

甚矣東南不言解明不至解可知春秋之文與竹書不
殊今解故城東北二十四里有故城在猗氏故城

西北鄉俗名之為郇城考服虔之說又與俗符賢
于杜氏單文孤證矣

涑水又西南逕解縣故城南

春秋晉惠公因秦返國許秦以河外五城內及解

梁卽斯城也

涑水又西南逕瑕城

晉大夫詹嘉之故邑也春秋僖公二十年秦晉圍

鄭鄭伯使燭之武謂秦穆公曰晉許君焦瑕朝濟

而夕設版者也京相璠曰今河東解縣西南五里

有故瑕城顧炎武曰晉有二瑕郟瑕之瑕在今之臨晉縣境焦瑕之瑕則詹嘉所守以防

桃林之塞者當在河外非猗氏之旁邑也杜解亦曰晉河外五城之二邑漢志湖縣故胡縣武帝始

改作湖晉書地道記言其北有桃林古瑕胡二字通並見詩禮鄭注是瑕轉爲胡胡改爲湖而桃林

之塞卽瑕也今之閿鄉縣地成十三年成肅公卒于瑕亦此地也顧氏之辨篤矣然遂以瑕爲胡恐亦以意言之蓋以胡爲本于黃帝鼎湖之說雖誕不足據然亦未必卽是瑕城大抵當與桃林塞相近焦城在弘農則瑕城亦在焉更以俟博考而定之○此重校本

涑水又西南逕張陽城東

竹書紀年齊師逐鄭太子齒奔張城南鄭者也漢

書之所謂東張矣高祖二年曹參假左丞相別與

韓信東攻魏將孫林邀按史記無林字○今軍東案戴本徑作孫林

張大破之蘇林曰屬河東卽斯城也

涑水又西南屬于陂陂分爲二城南面兩陂左右澤

渚東陂世謂之晉興澤東西二十五里南北八里南

對鹽道山其西則石壁千尋東則礮溪萬仞方嶺雲
迴奇峯霞舉孤標秀出罩絡羣山之表翠柏蔭峯清
泉灌頂郭景純云世所謂鴛漿也發于上而潛于下
矣

厥頂方平有良藥神農本草曰地有固活女疏銅
芸紫苑之族也是以緇服思立之士鹿裘念一之
夫代往遊焉路出北巘勢多縣絕來去者咸援蘿
騰釜尋葛降深于東則連木乃陟百梯方降巖側
縻鎖之跡仍今存焉故亦曰百梯山也

水自山北流五里而伏云潛通澤渚所未詳也西陂

卽張澤也西北去蒲坂一今按戴無此字十五里東西二十

里南北四五里冬夏積水亦時有盈耗也

鮪埼亭集跋涑水篇曰水經之例凡羣水合于一
大水者皆詳志其源流若別自有篇者雖于大水
志其會歸之地而不復詳以本篇自具也涑水別
自有篇者又過解縣而注於張陽池此其源流也乃
過安邑又過解縣而注於張陽池此其源流也乃
河水篇中河北縣又有一涑水水出縣之雷首山
西南流亦曰雷水逕桑泉俗謂之陽安澗水而西
南流注于河其源流各別蓋聞喜之涑即澗水也
通鑑地理通釋所云在陝州夏縣北四十里者是
也河北之涑水則雷水亦陽安水也通鑑地理通
釋所云河中臨晉縣東十二里者是也近人竟台
而一之樂史曰涑川自聞喜接河中而顧祖禹曰
涑卽絳水下流自絳歷聞喜夏縣安邑猗氏至臨
晉縣界合姚暹渠而西出經蒲坂又西南注于河
名陽安澗水蓋自猗氏以上皆澗水之源流也自
臨晉以下則河水篇者是已此在水經一百二十

餘篇中一大疑案而未言張澤之所入又曰西北
 但言涑水入張澤而不言張澤之涑水所入正與河北
 去蒲坂十五里然則聞喜之涑水道元不細剖之
 之涑水所出相接而又皆名涑水則道元已自蒙
 乃兩處並引左氏伐我涑川之語則道元亦不甚了
 混矣况干餘年後平厚齋雖兩列之而亦不甚了
 了遂日益無徵乃讀唐志虞鄉縣北十五里有涑
 水渠貞觀十七年蒲州刺史薛萬徹所開自聞喜
 引流入臨晉以溉田乃恍然曰斯兩涑水所由合
 也則前此聞喜之流並不與臨晉通蓋至唐而始
 合也故鹽池圖說曰涑水中尾多窄至臨晉而山
 谿諸水咸注之不知涑水本至張陽而止所謂中
 尾多窄者出于人力之通過此則又一涑水也若
 左傳之涑川則原在聞喜不在蒲坂蓋王官城亦
 在聞喜也惜不起
 樂顧諸公而語之

文水

文水出大陵縣西山文谷東到其縣屈南到平陶縣東

北東入於汾

文水逕大陵縣故城西而南流有泌水注之縣西南

山下武氏穿井給養井至幽深後一朝水溢平地沈炳

巽曰寰宇記東南注文水文水又南逕平陶縣之故

城東西逕其城內南流出郭

水王莽更曰多穰也

文水又南逕縣右會隱泉口水出謁泉山之上頂

泉俗云暘雨愆時是謁是禱故山得其名非所詳也

其山石崖絕險壁立天固崖半有一石室去地可

五十餘丈爰有層松飾巖列柏綺望唯西側一處

得歷級升陟

頂上平地一

今按戴無此字

十許頃沙門釋僧光表建二刹

泉發于兩寺之間東流瀝石沿注山下又東津渠隱

沒而不恆流故有隱泉之名矣兩澤豐澍則通入文

水

今案戴本重文水二字

又南逕茲氏縣故城東為文湖東西

一

今案戴無此字

十五里南北三十里世謂之西河泊

今本失去

泊字以太平寰宇記校增

○今案趙依增戴作西湖

今案戴無此字

十里湖之西側臨湖又有一

山城謂之豬城水澤所聚謂之都亦曰豬蓋即水以

名城也

文湖又東逕中陽縣故城東

案晉書地道記太康地記西河有中陽城舊縣也

文水又東南流與勝水合水出西

今案戴作西出

狐岐之山

東逕六壁城南

魏朝舊置六壁于其下防離石諸胡因為大鎮太

和中罷鎮仍置西河郡焉

勝水又東合陽泉水

今案戴重一水字

出西山陽谿東逕六

壁城北又東南流注于勝水勝水又東逕中陽故城

南又東合文水文水又東南入于汾水也

原公水

原公水出茲氏縣西羊頭山東過其縣北

縣故秦置也漢高帝更封沂陽侯嬰為侯國

沈炳豐沛功臣灌嬰陳嬰夏侯嬰一封穎陰一封堂邑

無有一封汝陰其以沂陽更封茲氏之人史漢表中皆

據其傳嬰初賜邑沂陽已而益食茲氏特其時尚

是食邑非封國趙本引全氏曰沂陽是夏侯

嬰初封而食邑茲氏非封國也更封是汝陰王

莽之茲同也魏黃初二年分太原復四下增置西

河郡按黃初二年下舊有脫文今以下碑文讀之

原之西建安之亂空荒觀碑文則黃初復立而割

太原之地以隸之故晉志太原統縣十三皆漢之

舊所少者界休茲氏慮鹿三縣碑云分割四縣蓋

分三為四也晉志西河統縣四離石隰城中陽界

休其三縣亦皆漢西河故縣名蓋以此三縣之名

加之茲氏慮鹿之地耳然則善長是注足疏證晉

志也○今按此下戴本增晉徙封西河恭王司馬

陳王斌于西河故縣有十二字

子盛廟碑文云西河舊處山林漢末擾攘百姓失

所魏興更開疆宇分割太原四縣以為邦邑其郡

帶山側塞矣王以咸寧四年改命爵土其年十二

月喪沈炳異日晉宗室傳是西河繆王非恭王是

謂碑立于薨之年當非碑錯是史錯耳○今按戴

依史徑改繆王子政四年又改其年十二月喪為

明年十月國臣大農閻崇離石合宗羣等二百三十

四人刊石立碑以述勲德按國臣謂西河國中

屬之碑北廟基尚存也

又東入于汾

水注文湖不至汾也

洞渦水

洞渦

今按戴作過下同

水出沾縣北山

其水西流與南谿水合水出南山西北流注洞渦水

今按戴本重

又西北黑水出西山三源合舍同歸一

川東流南屈逕受陽縣故城東

按魏地形志作同過水其說曰梗陽城同

過水所出又一水出木瓜嶺一水出沾嶺一水出大

嶸山一水出原過祠下五水合道故曰同過西南入

汾。此重校本

按晉太康地記樂平郡有受陽縣盧諶征艱賦所謂歷受陽而總轡者也

其水

今按戴有又字

西南入洞渦水

今按戴本重洞過水三字

又西蒲水

南出蒲谷北流注之于

今按戴無此字

洞渦

今按戴有水字

又西與

原過水合近北便水流也

孫潛曰流疑當作源。今案戴趙徑改源

水西阜上有原過祠蓋懷道協靈受書天使憂結

宿情傳芳後日棟宇雖淪攢木猶茂故層步

今按戴無

此二字水取名焉

其水南流注于洞渦水也

西過榆次縣南又西到晉陽縣南

榆次縣故涂水鄉晉大夫智徐吾之邑也春秋昭

公八年晉侯築鹿祁之宮有石言晉之魏榆服虔

曰魏晉邑榆州里名也漢書曰榆次十三州志以

為涂陽縣矣王莽之太原亭也縣南側水有鑿臺

按太平寰宇記 韓魏殺智伯瑤於其下刳腹絕腸

日本名麓臺 折頸摺頤處也

周嬰曰按春申君上秦王書述智伯事而繼之以韓魏之人父子兄弟以秦故刳腹絕腸折頸摺頤暴骨草澤非謂韓魏之於智伯如此也善長引之頗疏

其水又西南流逕武觀今按戴城西北

盧諶征艱賦曰逕武館之故郭問厥塗之遠近

洞渦水又西南為涇湖謂之洞渦澤今按趙澤南今

趙無澤南涂水注之水出陽邑東北大嶷山涂谷

西南逕蘿磨亭南與蔣谷水合水出縣東南蔣谿太平

靈字記曰俗名落莫城

魏土地記曰晉陽城東南一今案戴無此字百一十里至

山有蔣谷大道度軒車嶺通於武鄉

水自蔣谿西北流西逕箕城北

春秋僖公三十三年晉人敗狄于箕杜預釋地曰

城在陽邑南水北即陽邑縣故城也竹書紀年曰

梁惠成王九年與邯鄲榆次陽邑者也王莽之繁

穰矣

蔣谿又西合涂水亂流西北入洞渦澤也地形志曰榆次縣有

長寧水西北合同過水。此重校本

西入于汾

出晉水下口者也

按諸本皆誤以此句為經。今案戴本作經。

劉琨之為并州也劉曜引兵邀擊之合戰于洞渦

即是水也

晉水

晉水出晉陽縣西縣舊山

縣故唐國也春秋左傳稱唐叔未生其母邑姜夢帝謂已曰余名而子曰虞將與之唐屬之參及生名之曰虞呂氏春秋曰叔虞與成王居王授桐葉為珪以授之曰吾以此封汝虞以告周公周公請

曰天子封虞乎王曰余戲耳公曰天子無戲言時唐滅乃封之于唐縣有晉水後改名為晉故子夏敘詩稱此晉也而謂之唐儉而用禮有堯之遺風也

晉書地道記及十三州志並言晉水出龍山一云

今案

戴作出今案戴無此字結紉山在縣西北非也山海經曰縣

舊之山晉水出焉今在縣之西南昔智伯之

今按趙無此字

邊晉水以灌晉陽其川上瀆

按太平寰宇記曰史記是引汾水春秋後語是

引晉水未知孰是。此重校本後人踵其遺蹟蓄以為沼沼西際山

枕水

有唐叔虞祠祠南有難老善利二泉水大旱不涸

隆冬不凍溉田百餘頃又有泉出祠下曰滴瀝泉

豬為晉澤

以上三十六字見宋本。今案此三十六字戴本無趙本引方輿紀要附著注

中水側有涼堂

按御覽作臺

結飛梁于水上左右雜樹

交蔭希見曦景至有淫朋密友羈遊宦子莫不尋

梁契集用相娛慰于晉川之中最為勝處

又東過其縣南又東入于汾水

沼水分為二派

按沼諸本或誤為湖或誤為汾

北瀆即智氏故渠也

昔在戰國襄子保晉陽智氏防山以水之城不沒

者三版與韓魏望歎于此故智氏用亡

其瀆乘高東北注入晉陽城以周圍

今案戴作灌 溉

漢末赤眉之難郡掾劉茂負太守孫福匿於城門

西下空穴中其夜奔孟即是處也

東南出城流注于汾水也其南瀆于石塘之下伏流

逕舊谿

按此即所謂晉澤

東南出逕晉陽城南

城在晉水之陽故

今按趙無此字

曰晉陽矣經書晉荀吳

帥師敗狄於大鹵杜預曰大鹵晉陽縣也為晉之

舊都春秋定公十三年趙鞅以晉陽叛後乃為趙

矣

其水又東南流入于汾

按太平寰宇記晉水出處石為塘自塘東分為三派北

一派名智伯渠東北流入州城中出城入汾水其次派東流晉澤南又東流入汾水此二派即水經注所云分爲二派者也其南派舊開皇四年開東南流入于汾水元和志所云又有一派者也○此重校本

水經注第六終 後學王梓材錄董沛重校

水經注第七

范陽酈道元注

鄞全祖望校

布政使銜浙江甯紹台兵備道無錫薛福成校刊

渭水一

渭水出隴西首陽縣渭谷亭南鳥鼠山

渭水出首陽縣首陽山渭首亭南谷山在鳥鼠山西

北此縣有高城嶺嶺上有城號渭源城渭水出焉三

源合注東北流逕首陽縣西與別源合水南出鳥鼠

山渭水出谷會之今按戴本谷上無出字尚書禹貢

所謂渭出鳥鼠者也地說曰鳥鼠山同穴之枝幹也

渭水出其中東北流今按戴無此字過同穴枝間既言其過

明非一山今按趙作水也又東北流而會于殊源也渭水

東南流逕首陽縣南右得封溪水次南得廣相溪水

次東得其谷水左則天馬溪水次南則伯陽谷水竝

參差翼注亂流東南出矣

東今按趙作又北過襄武縣北

廣陽水出西山二源合注共成一川東北流注于渭

渭水又東南逕襄武縣東北荆頭川水入焉水出襄

武西南烏鼠山荆谷東北逕襄武縣故城北

王莽更名相桓漢護羌校尉温序行部為隗躄部

將苟宇所拘銜鬚自刎處也

其水東北流注于渭渭水常若東南不東北也又東

泉水注之水出西南雀富谷東北逕襄武縣南東北

流入于渭

魏志稱咸熙二年襄武上言大人見身長三丈餘

跡長三尺二寸白髮著黃單衣巾拄杖呼民王始

語云今當太平十二月天祿永終歷數在晉遂遷

魏而事晉

又東過獮道縣南

右則岑溪水次則同水其左則過水合注之梓材按朱謀埠

本作俱左則過水右注之趙氏刊誤引全氏云渭水俱當作其右當作合。今按戴作俱左注之

又今按趙無此字東南逕獮道縣故城西

昔秦孝公西斬戎之獮王今按趙有于此二字應劭曰獮戎

邑也漢靈帝五年沈炳巽曰是中平五年脫二字別

為南安郡

赤亭水出郡之東山赤谷西流逕城北南入渭水渭

水又逕城南得粟水水出西南安都谷東北流注于

渭渭水又東新興川水出西南烏鼠山二源合舍東

北流與彰川合水出西南溪下東北至彰縣南

本屬故道侯尉治後漢縣之永元元年和帝封耿

秉為侯國也朱謀埠曰後漢書秉以章和二年封美陽不知其先封鄣

萬年川水出南山東北流注之又東北至新興川又

東北逕新興縣北

晉書地道記南安之屬縣也

其水又東北與南川水合水出西南山下東北合北

水又東北注于渭水渭水又東逕武城縣西武城川

水入焉津源所道出鹿部西山兩源合注東北流逕

鹿部南亦謂之鹿部水又東北昌邱水出西南邱下

東北注武城水亂流東北注渭水渭水又東入武陽

川又有關城川水出南安城谷水出北兩今按趙川

參差注渭水渭水又東與今按戴作有趙作逕落門西山東流

三府今按戴谷水注之三川統一東北流注于渭水

有落門聚

昔馮異攻落門未拔而薨建武十年來歙又攻之

擒隗囂子純隴右平

渭水自落門東至黑水峽左右六水夾注左則武陽

溪水東北今按戴得土門谷水俱出北山南流入渭

右則温谷水次東有故城溪水次東有閭里溪水亦

名習溪水次東有黑水竝出南山北流入渭渭水又

東出黑水峽歷冀川

又東過冀縣北

渭水自黑水峽至岑峽南北一十今按此二字戴乙水注之

北則温谷水注之其水今按戴無導源今按戴平襄

縣南山温溪東北流逕平襄縣故城南

故襄戎邑也王莽之所謂平相矣

其水東南流歷三堆南又東流而今按戴南屈入今

戴作黃槐川冬則輟流今按此四字戴趙梗津渠春

夏水盛則通川注渭次則午今按戴谷水南入渭水

南有長塹谷水次東有安蒲溪水次東有衣谷水竝

南出朱圉山

山在梧中聚有石鼓不擊自鳴鳴則兵起漢成帝

鴻嘉三年天水冀南山有大石自鳴聲隱隱如雷

有頃止聞于平襄二百四十里野雞皆鳴石長丈

三尺廣厚略等在今按戴崖脇去地二無此字百

餘丈民俗名曰石鼓石鼓鳴則有兵是歲廣漢鉗

子攻死囚盜庫兵略吏民衣繡衣自號為山君今本

作仙以漢志校改○今按戴作仙趙依此改黨與漫今按趙作寢廣明年冬

伏誅自歸者三千餘人信而有徵矣

其水北逕冀縣故今按戴無此字城北

秦武公十年伐冀戎縣之故天水郡治閩若璩曰東漢之天

水治冀王莽更名鎮今按趙作填戎縣曰冀治漢明帝永

平十七年改曰漢陽郡城即隗囂稱西伯所居也

按隗囂自此西伯耳未嘗稱也後漢馬超之圍冀也涼州別駕閻

伯儉潛出水中將告急夏侯淵為超所擒令告城

無救伯儉曰大軍方至咸稱萬歲超怒數之伯儉

曰卿欲令長者出不義之言乎遂殺之

渭水又東合冀水水出冀谷次東有濁谷水次東有

當里溪水次東有託里水次東有渠谷水次東有黃

土川水俱出南山北今按趙作南北山逕冀城東而北流注

于渭渭水又東出峽入新陽川逕新陽下城南溪

谷赤蒿二水竝出南山東北入渭水渭水又東與新

陽崖水合即隴水也東北出隴山其水西流今按趙有隴字

右逕瓦亭南

隗囂聞畧陽陷使牛邯守瓦亭即此亭也

一作其水亦出隴山東南流歷瓦亭北又西南合

為一水謂之瓦亭川西南流逕清賓溪北又西南與

黑水合水出黑城北西南逕黑城西西南流莫吾南

川水注之水東北出隴垂西南流歷黑城南注黑水

黑水西南出懸鏡峽又西南入瓦亭川今按戴又有

滋水自西來會世謂之鹿角口又南逕阿陽縣故城

東

中平元年北地羌胡與邊章侵隴右漢陽長史蓋

勲屯河陽以拒賊即此城也

其水又南與燕無水合水源延發東山西注瓦亭水

瓦亭水又南左會方城川舊本重出西注瓦亭水五

舊本瓦亭水又南逕成紀縣東歷長離川謂之長離水

右與成紀水合水導源西北當亭川東流出破石峽

津流遂斷故瀆東逕成紀縣

故帝太皞庖犧所生之處也漢氏今按戴無此字以為天

水郡縣王莽之阿陽郡治也

又東潛源隱發通之今按戴成紀水東南入瓦亭川

今按戴作川水又東南與受渠水相

會水東出大隴山西逕受渠亭北又西南入瓦亭川

川水又西南流歷僵人峽

路側巖上有死人僵尸巒穴故岫壑取名焉釋鞍

就穴直上可百餘仞石路透迆劣通單步僵尸倚

窟枯骨尙全唯無膚髮而已訪其川居之士云其

鄉中父老作兒童今按戴作童兒時已聞其長舊傳此當

是數百年骸矣

其水又西南與略陽川水合水出隴山香谷西今按趙無

此西流右則單溪西注左則閭一作川水入焉其水

又西歷蒲池郊石魯水出東南石魯溪西北注之其

水又西歷今按趙作入略陽川西得破社谷水次西得平

相谷水又西得金里谷水又西得南室水又西得蹠

谷水竝出南山北流于畧陽城東揚波北注川水又

西逕畧陽道故城北堽渠水出南山北逕堽峽北入

城

建武八年中郎將來歙與蔡遵所部護軍王忠右

輔將軍朱寵將二千人皆持鹵刀斧自安民縣之

楊城永始二年成帝罷安定呼淹苑今按戴本永始作元始成

帝作平帝呼淹作以爲安民縣起官寺市里永始二年

以下注中注按漢書此是平帝元始二年事師古曰中山之安定也平帝以中山王入正大統則宜是中山之安定呼他即呼池善長所引從番須誤矣班志無安民縣蓋暫置而即省者

回中伐樹木開山道至略陽夜襲擊囂拒守將軍今按戴金梁等皆殺之因保其城隗囂聞略陽陷無此字

悉眾以攻歙激水灌城光武親將救之梓材案趙氏朱箋刊

誤云親將下落救之二字全囂走西城世祖與來

歙會於此

其水自城北注川

水一水二川蓋囂所塌以灌略陽也

川水西得白楊泉又西得蒲谷水又西得蒲谷西川

又西得龍尾溪水與蒲谷水合俱出南山飛清北入

川水又西南得水洛口水源東導隴山西逕水洛亭

西南流又得犢奴水口水出隴山西逕犢奴川又西

逕水洛亭南西北注之亂流西南逕石門峽謂之石

門水西南注略陽川略陽川水又西北流入瓦亭水

瓦亭水又西南出顯親峽石宕水注之水出北山

山上有女媧祠庖羲之後有帝女媧焉與神農為

三皇矣

其水南流注瓦亭水瓦亭水又西南逕顯親縣故城

東南

漢封大鴻臚竇固為侯國

自石宕次得蝦蟆溪水次今按趙作又得金黑水又得宜

都溪水咸出左右參差相入瓦亭水又東南合安夷

川口水源東出胡谷西北流歷夷川水今按戴作夷水川與

東陽川水會謂之取陽交又西得何宕川水又西得

羅漢水竝自東北西南注夷水夷水又西逕顯親縣

南西注瓦亭水瓦亭水又東南得大華谷水又東南

得折里溪水又東得六谷水趙一清曰駱谷即洛谷亦即六谷皆出

近溪湍峽注瓦亭水又東南出新陽峽崖岫壁立水

出其間謂之新陽崖水又東南注于渭也今按趙本注作入也

上有是字

又東過上邽縣

渭水東歷縣北封山之陰趙一清曰封山本是邽山以避魏主諱改今卷中邽

字皆後人所追改而此其僅存者○流逕圖嶺東北

今按現行趙本無此語戴仍作邽

東南流蘭渠川水出自北山帶佩眾溪南流注于渭

渭水東南與神澗水合開山圖所謂靈泉池也俗名

之為萬古灣淵深不測實為靈異先後漫遊者多離

今按戴作羅其斃渭水又東南得歷泉水今按戴重北出

歷泉溪東南流注于渭渭水又東南出橋亭西又南

得藉水口水出西山百澗聲流總成一川東歷當亭

川

卽當亭縣治也

左則當亭水

今按此下趙有注之二字

右則曾席水注之

今按此二字趙

作入

又東與大弁川水合水出西山二源合注東歷

大弁川東南流注于藉水藉水又東南流與竹嶺水

合水出南山竹嶺二源同瀉東北入藉水藉水又東

北入

今按戴作逕

上邽縣左佩四

今按趙作五

水東會占溪水

次東有大魯谷水次東得小魯谷水次東有揚反谷

水咸自北山流注藉水藉水右帶四

今按趙作五

水竹嶺

東得亂石溪水次東得木門谷水次東得羅城溪水

次東得山谷水皆導源南山北流入藉水藉水又東

黃瓜水注之其水發源黃瓜西谷東流逕黃瓜山

今按

戴趙均作縣

北又東清溪白水左右夾注又東北大旱谷

水南出旱溪歷澗北流泉溪委漾同注黃瓜水黃瓜

水又東北歷赤谷咸歸于藉藉水又東合

今按戴作得毛

泉谷水又東逕上邽

今按趙有城南又

今按戴無此字得覈

泉水竝出南山北流注于藉藉水卽洋水也

舊本誤作泔水

今從吳本按通典一名釋水○今按戴趙竝依改泔水

北有濛水注焉水出縣西北邽山翼帶衆流積以成溪東流南屈逕上邽縣

故城西側城南出

上邽故邽戎國也秦武公十年伐邽縣之舊天水

郡治按上言天水治冀者東漢之天水此言上邽則似西漢之天水所治也但閩若璩曰善長

言天水治上邽而縣居班志之第二按班志天水首平襄而上邽乃隴西之第二縣東京始屬天水

晉始為天水郡治拓跋魏因之今云因上邽湖有白龍而漢武改郡為天水誤矣五城相

接北城中有湖水有白龍出是湖風雨隨之故漢武帝元鼎三年改為天水郡其鄉居悉以板蓋屋

詩所謂西戎板屋也

濛水又南注藉水山海經曰邽山濛水出焉而南流

注于洋謂是水也藉水又東得楊谷水又今按趙得有東字

宕谷水竝自南山北入于藉藉水又東合段溪水水

出西南馬門溪東北流合藉水藉水又東入于渭渭

水又歷橋亭南而逕今按趙綿諸縣東與東亭水合

亦謂之為橋水也清水又或為通稱矣水源東發小

隴山泉川瀉注今按趙統成一水西入東亭川以為

東亭水與小祗大祗二水合又西北得南神谷水三

川竝出東南差池瀉注又有埋蒲水翼帶二川與延

水竝西南注東亭水東亭水又西右則曠今按戴溝

水次西得麴谷水水側今按戴無此字出東南二溪西北流

注東亭川東亭川水右則温谷水出小隴山又西莎

今按戴作谷水出南山莎溪西南注東亭川水東亭

川水又西得清水口清今按戴無此字水導源東北隴山二

源俱發西南出隴口合成一水西南流歷細野峽逕

清池谷又逕清水縣故城東

王莽之識陸縣矣

其水西南合東亭川自下亦通今按趙無此四字謂之清水

矣今按趙無此字又逕清水今按趙有縣故二字城南又西與秦

水合水出東北大隴山秦谷二源雙導歷三泉合成

一水而歷秦川

水川有故秦亭續漢志獮氏聚有秦亭秦仲所封也秦之為號

始自是矣

秦水西逕降隴縣故城南趙一清曰按地志降字衍又西南自亥

松多二水出隴山合而西南流逕降隴城北胡三省曰松多以屠谷人松多駐兵于此得名自亥未詳又西南注秦水秦水又西南歷

隴川逕六槃口過清水城西南注清水清水上咸

謂之秦川又西羌水注焉水北出羌谷引納眾流合

以成溪澌水星會謂之小羌水西南流左則長谷水

西南注之右則東部水東南入焉羌水又南入清水

清水又西南得縣諸水口其水導源西北縣諸溪東

南有今按趙作與長思水今按趙有合字北出長思溪南入縣諸

水又東南歷綿諸道故城北東南入清水清水東南

注渭渭水又東南合涇谷水水出西南涇谷之山東

北流與橫水合水出東南橫谷西北逕橫水壙又西

北入今按趙無此字涇谷水亂流西北出涇谷峽又西北軒

轅谷水注之水出南山軒轅溪

南安姚瞻以為黃帝生于天水在上邽城東七十

里軒轅谷皇甫謐云生壽邱邱在魯東門北未知

孰是也

其水北流注涇谷水又西北合今按戴無此字白城溪東北

流白娥泉水出其西東注白城水白城水又東北入

涇谷水涇谷水又東北歷董亭下

資治通鑑考異曰宋書作董亭魏書作薰

亭即是亭也

其水東北流注于渭山海經曰涇谷之山涇水出焉

東南流注于渭是也渭水又東伯陽谷水入焉水出

刑馬山之今按此二字戴乙伯陽谷北流白水出東南白水

今按趙無此字溪西北注伯陽水伯陽水又西北歷谷引控

羣流北注渭水又東歷大利又東南流苗谷水注之

水南出刑馬山北歷平作沈炳翼曰作字疑西北逕苗谷屈

而東逕伯陽城南謂之伯陽川

蓋李耳西入往逕所由故山原畎谷往往播其名

焉

渭水東南流衆川瀉浪邊

今按戴作雁

次鳴注左則伯陽

東溪水注之次東得望松水次東得毛六溪水次東

得皮周谷水次東得黃杜東溪水竝

今按戴無此字

出北山

南入渭水其右則胡

今按戴作明

谷水次東得邱谷水次

東得邱谷東溪水次東有銅

今按戴作鉗

巖谷水竝出南

山東北注渭渭水又東南出石門度小隴山逕南田

縣南

南田見魏地形志而元和郡縣志作南由今按戴作南由

東與楚水合世

所謂長蛇水水出汧縣之數厯山也南流逕長蛇戍

東

魏和平三年築徙諸流民以過隴寇

楚水又南流注于渭關駟以是水為汧水焉

今按戴有渭水

二又東汧汧二水入焉余按諸地志汧水出汧縣西

北關駟十三州志與此同復以汧水為龍魚水蓋以

其津流逕通而更攝其通稱矣渭水東入散關

抱朴子神仙傳曰老子西出關關令尹喜候氣知

真人將有西遊者遇老子強令之著書耳不得已

為著道德二經謂之老子書也有老子廟于寶搜

神記曰老子將西入關關令尹喜好道之士觀真

人當西乃要之途也皇甫士安高士傳云老子為

周柱下史及周衰乃以官隱為周守藏室史積入
十餘年好無名接四字疑而世莫知其真人也至周

景王十年孔子年十七遂適周見老聃然幽王失
今按趙有其字道平王東遷關以捍移人以職徙尹喜候

氣非此明矣往今按戴無此字趙作而往逕所由茲焉或可
渭水又東逕西武功北今按趙作渭水又東逕武功縣西北

俗以今按戴有為字散關名今按戴無此字城非也褚先生乃曰
武功扶風西界小邑也蜀口棧道近山無他豪易

高者是也
渭水又與捍今按戴作扞水合水出周道谷北逕武都故

道縣今按戴趙均有之字故城西

王莽更名曰善治也故道縣有怒特祠列異傳曰

武都故道縣有怒特祠云神本南山大梓也昔秦

文公二十七年伐之樹瘡隨合秦文公乃遣四十

人持斧斫之猶不斷疲士一人傷足不能去卧樹

下聞鬼相與言曰勞攻戰乎其一曰足為勞矣又

曰秦公必持不休答曰其如我何又曰赤灰跋于

子何如乃默無言卧者以告令士皆赤衣隨所斫

以灰跋樹斷化為牛入水故秦為立祠

其水又東北歷大散關而入渭水也渭水又東南右

合南山五溪水諸澗流注之也

今按諸戴趙均作夾戴又無也字

又東過陳倉縣西

縣有陳倉山山上有陳寶雞鳴祠昔秦文公感伯

陽之言遊獵于陳倉遇之于北

今按戴作此

坂得若石

焉其色如肝歸而寶祠之故曰陳寶其來也自東

南暉暉聲若雷野雞皆鳴故曰雞鳴神也地理志

曰有上公明星黃帝孫舜妻盲冢祠有羽陽宮秦

武王起應劭曰縣氏陳山姚睦曰

按姚睦疑即黃上之姚瞻

帝都陳言在此榮氏開山圖注曰伏犧生成紀徒

治陳倉也

今按戴無此字

非陳國所建也魏明帝遣將軍

太原郝昭築陳倉城成諸葛亮圍之亮使昭鄉人

靳詳說之不下亮以數萬攻昭千餘人以雲梯衝

車地道逼射昭昭以火射連石拒之亮不利而還

今汧水對亮城是與昭相禦處也

陳倉水出于陳倉山下東南流注于渭水渭水又東

與綏陽溪水合其水上承斜水水自斜谷分注綏陽

溪北屆陳倉入渭

故諸葛亮與兄瑾書曰有綏陽小谷雖山崖絕險

今按趙作重

溪水縱橫難用行軍昔邏候往來要道通

人今按戴

今使前軍斫治此道以向陳倉足以拔

連賊勢使不得分兵東行者也

渭水又東逕郁夷縣故城南地理志曰有汧水祠

王莽更之曰郁平也東觀漢記曰隗囂圍來歙于

略陽世祖詔曰桃花水出船槃皆至郁夷陳倉分

部而進者也

汧水入焉水出汧縣之蒲谷鄉弦中谷決為弦蒲藪

爾雅曰水決之澤為汧汧之為名寔兼斯舉水有二

源一水出縣西山

世謂之小隴山巖嶂高險不通軌轍故張衡四愁

詩曰我所思兮在漢陽欲往從之隴坂長

其水東北流歷澗注以成淵潭漲不測出五色魚俗

以為靈而莫敢採捕因謂是水為龍魚水自下亦通

謂之龍魚川川水東逕汧縣故城北

史記秦文公東獵汧田因遂都其地是也

又東歷澤亂流

今按趙無此字為一水今按戴右得白此二

字趙作

龍泉泉逕五尺源穴

今按趙奮通淪漪四泄

東北流注于汧汧水又東會一水水發南山西側

俗以此山為吳山三峰霞舉疊秀雲天崩巒傾返

山頂相捍望之恆有落勢地理志曰吳山在縣西

古文以為汧山也國語所謂虞矣

山下石穴廣四尺高七尺水溢石空懸波側注崩奔
震蕩發源成川北流注于泝自水會上下咸謂之龍
魚川泝水又東南逕隃麋縣故城南

王莽之扶亭也昔郭欵恥王莽之徵而遯跡于斯
建武四年光武封耿況為侯國矣

泝水東南歷慈山東南逕郁夷縣逕今按戴無此字平陽故

城南

史記秦寧公二年徙平陽徐廣曰故郿之平陽亭

也城北有漢邠州刺史趙融碑靈帝建安元年立

其按靈帝紀元是建寧獻帝乃建安也

泝水又東流注于渭渭水之右磻溪水注之水出南
山茲谷乘高激流注于溪中溪中有泉謂之茲泉泉
水潭積自成淵渚

即呂氏春秋所謂太公釣茲泉也今人謂之凡谷

張守節曰凡音桓石壁深高幽隍邃密林障秀阻

○今按戴作丸人跡罕交東南隅有一石室蓋太公所居也水次
平石釣處即太公垂釣之所也其投竿踞餌兩鄰
遺跡猶存是有磻溪之稱也

其水清冷神異北流十二里注于渭北去維堆城七
十里渭水又東逕積石原

即北原也青龍二年諸葛亮出斜谷與司馬懿屯渭南雍州刺史郭淮策亮必爭北原而屯遂先據之亮至果不得上

渭水又東逕五丈原北

魏氏春秋曰諸葛亮據渭水南原司馬懿謂諸將

曰亮若出武功依山東轉者是其勇也若西上五

丈原顧祖禹曰五丈原即南原諸君無事矣亮果屯此原與懿

水相禦

渭水又東逕郿縣故城南中興中郿縣廢故泉泉

地理志曰右輔都尉治魏春秋諸葛亮寇郿司馬

懿據郿拒亮即此縣也今按戴本引下雍水注中清水又東逕郿塢南至其

愚如此五十三

又東過武功縣北

渭水于縣斜水自南來注之水出縣西南衙嶺山北

歷斜谷逕五丈原東

諸葛亮與步騭書曰僕前軍在五丈原原在武功

西十里餘水出武功縣故亦謂之武功水也是以

諸葛亮表云臣遣虎步監孟琰據武功水東司馬

懿因水長攻琰營臣作竹橋越水射之橋成馳去

其水北流注于渭地理志曰斜水出衙嶺北至郿注

渭渭水又東逕馬冢北

諸葛亮與步騭書曰馬冢在武功東十餘里有高勢攻之不便是以留耳

渭水又逕武功縣故城北

王莽之新光也地理志曰縣有太一山古文以為終南杜預以為中南也亦曰太白山在武功縣南去長安二百里不知其高幾何俗云武功太白去天三百山下軍行不得鼓角鼓角則疾風雨至杜彥達曰太白山南連武功山于諸山最為秀傑冬夏積雪望之皓然山上有谷春祠春櫟陽人成帝

時病死而尸不寒後忽出櫟南門及光門上而入

太白山民為立祠于山嶺春秋來祠中止宿焉山

下有太白祠民所祀也劉曜之世是山崩長安人

劉終於崩鈔入孫潛本四百二十二字。梓材按趙氏朱箋刊誤云劉終以下文理不屬

蓋脫簡也按孫潛用柳僉鈔本校補四百二十字真希世之寶也。今按下文自所得白玉至及皇覽繆凡四百三十四字其中惟郡國志曰郿縣有郿亭謂此也十二字自雍水又東逕郿亭南條注文移入餘皆從孫本實四百二十二字戴則四百三十七字少一其字趙比全少皇覽二字故云四百二字所得白玉方一尺有文字曰皇亡皇亡敗趙

昌井水竭構五梁峒西小衰困囂喪嗚呼嗚呼赤牛奮鞠其盡平時郡官畢賀中書監劉均進曰此

國滅之象其可賀乎終如其今按戴言矣

渭水又東溫泉水注之

溫水出太壹今按戴一作一山其水沸涌如湯杜彥達曰

可治百病世清則病愈世亂今按戴作濁則無驗其水

下合溪流北注十三里入渭

渭水又東逕鞏縣故城南

舊郃城也后稷之封邑矣即詩所謂今按戴本即字在謂字下

有郃家室也城東北有姜嫄祠城西南百步有稷

祠郃之鞏亭也郡國志曰郃縣有郃亭謂此也梓

按上十二字自雍水又東逕郃亭南條注文移入。今按戴趙均無王少林之爲郃

縣也路經此亭亭長曰亭凶殺人少林曰仁勝凶

邪何鬼敢忤遂宿中夜聞女子稱寃之聲少林曰

可前來理女子曰無衣不敢進少林投衣與之女

子前訴曰妾夫爲涪令之官過宿此亭爲亭長所

殺少林曰當爲理寢寃勿復害良善也因解衣于

地忽然不見明告亭長遂服其事亭遂清安

渭水又東逕雍縣趙一清曰有脫文。今按戴雍山本有南雍水注之水出七字

東南流歷中窄今按戴作溪世謂之中窄水亦曰冰

井水南流逕胡城東

俗名也蓋秦惠公之故居所謂祁年宮也孝公又

謂之橐泉宮按地理志曰在雍崔駰曰穆公冢在

橐泉宮祁年觀下皇覽有脫文。今按趙無此二字而辨之戴本加亦言是

矣四劉向日穆公葬無邱隴處也史記曰穆公之

卒從死者百七十七人良臣子車氏奄息仲行鍼

虎今按戴本有亦在從死之中六字秦人哀之為賦黃鳥焉余謂

崔駰及皇覽繆今按張穆曰水經注提要云脫簡有自數十字至四百餘字者此大

典本絕無之事然則戴所增加者皆出全本可知

而又以意減一字加十七字使之文義通順俾讀

者信為真出志也惠公孝公竝是穆公之後繼世

之君矣子孫無由起宮于祖宗之墳陵矣以是推

之知二證之非實也

渭水又東今按此四字趙本無惟於句首加而字左會左陽水世名之

西水今按戴北出水字北出左陽溪南流逕岐州城西

魏置岐州刺史治

左陽水又南流注于雍水又與東水合

俗名也按曹本有曰雍水俗名白水亦曰圍川水西北自扶風界流入今無之

北出河桃谷南流右會南源世謂之返眼泉亂流南

逕岐州城東而南合雍水州居二水之中南則兩川

之交會也世亦名之為淬空水東流鄧公泉注之水

出鄧艾祠北故名曰鄧公泉數源俱發于雍縣故城

南

縣故秦德公所居也晉書地道記以為西虢地也

漢書地理志以為西虢縣按地志無西字太康地今按趙無此字

記曰虢叔之國矣有虢宮平王東遷叔自此之上

陽為南虢矣按上陽別是北虢非南虢亦非自西虢而遷雍有五時祠

以上祠祀五帝昔秦文公田于汧渭之間夢黃蛇

自天下今按趙無此字屬地其口止于郿衍以為上帝之

神于是作郿時祀今按趙作祠白帝焉今按趙無此字秦宣公

作密時于陳倉北坂今按戴作密時于渭南祀青帝焉靈公

又于吳陽作上時祀黃帝作下時今按趙脫此六字祀炎

帝焉獻公作畦時于櫟陽而祀白帝今按趙作獻公作畦時祀

赤帝焉漢高帝問曰天有五帝今四何今按趙作何四也博

士莫知其故帝曰我知之矣待我而五遂立北時

祀黑帝焉應劭曰四面積高曰雍闕駟曰宜為神

明之隩故立羣祠焉又有鳳臺鳳女祠秦穆公時

有簫史者善吹簫能致白鶴孔雀穆公女弄玉好

之公為作鳳臺以居之積數十年一旦隨鳳去云

雍宮世有簫管之聲焉今臺傾祠毀不復然矣

鄧泉東流注于雍自下雖會他津猶得通稱故禹貢

有雍沮會同之文矣按禹貢之雍沮別是二水不得通稱善長謬矣○梓材按趙引

全氏曰善長誤矣豈可以充雍水又東逕邵今按戴州之雍沮釋岐西之水道乎

同亭南世謂之樹亭川蓋邵樹聲相近誤耳

亭故邵公之采邑也京相璠曰亭在周城南五十

里後漢郡國志曰郿縣有邵亭謂此也

雍水又東南流與杜今按戴作橫水合水出杜陽山其水

南流謂之杜陽川東南流左會漆水水出杜陽縣之

漆溪謂之漆渠故徐廣曰漆水出杜陽之岐山者是

也漆渠水南流大巒水注之水出西北大道川東南

流入漆即故岐水也淮南子曰岐水出石橋山東南

流士莫賦其始帝曰好賦之矣

相如封禪書曰放龜于岐放今本誤作收以班史校改○今按戴趙仍作

收漢書音義曰岐水名也謂斯水矣謂亦甘泉水

二川并逝俱為一水南與杜今按戴作橫水合今按戴有

岐水之俗謂之小橫水亦或名之米流川逕岐山西

又屈逕周城南其水東南流

城在岐山之陽而近西所謂居岐之陽也非直因

山致名亦指水取稱矣

又歷周原下

北則中水鄉成周聚故曰有周也水北即岐山矣

昔秦盜食穆公馬處也

岐水又東逕姜氏城南為姜水

按世本炎帝姜姓帝王世紀曰炎帝神農氏姜姓

今按趙母安今按戴登遊華陽感神而生炎帝長

無此字于姜水是其地也今按趙無此四字

東注雍水雍水又南今按趙無此八字而有合而東三字逕美陽之中

亭川合武水今按趙無此三字而有水也水發杜陽縣大嶺側

今按此下戴移置東西三百步南北二百步十字世謂之赤泥峴沿波厯澗

俗名大橫水也疑即杜水矣其水東南流東逕杜陽

縣故城東西三百步南北二百步世謂之故縣川

又故號縣有杜陽山山北有杜陽谷有地穴北入亦不知所極在天柱山南故縣取名焉亦指是水

而攝目矣即王莽之通杜也

故地理志曰縣有杜水杜水今按趙無此二字又東二坑水

注之水有二源一水出西北與瀆醜水合而東厯五

將山又合鄉谷水水出鄉溪東南流入杜水今按趙無此字

謂之鄉谷川又南莫谷水注之莫谷水今本誤作莫水

改○今按戴作莫水水出好時縣梁山趙作莢水而辨之大嶺東南逕

梁山宮西

故地理志曰好時有梁山宮秦始皇起水東有好

時縣故城王莽之好邑也世祖建武二年封建威

大將軍耿弇為侯國

又南逕美陽縣之中亭川注雍水謂之中亭水

按曹本有

日中亭川與武亭川高望川合南流入渭今本無之

又南逕美陽縣西

今按句首戴有

雍水二字

永元

今按戴作章和

二年更封鄣雍侯

今按戴作彰侯

耿秉為侯

國

按雍字蓋是衍文

其水又南流注于渭渭水又東逕郿塢南

漢獻帝傳曰董卓發卒築郿塢高與長安城等積

穀為三十年儲自云事成雄據天下不成守此足

效以畢老其愚如此

今按自渭水又東逕郿塢南至此五十三字戴移置上渭水又

東逕郿縣故城南之下

渭水又東洛谷之水出其南山洛谷北流逕長城西

魏甘露三年蜀遣姜維出洛谷圍長城即斯地也

又東芒水從南來流注之

芒水出南山芒谷北流逕玉女房

謝兆申本補注文八十六字

水側山際有石室世謂之玉女房

芒水又北逕盩厔縣之竹圃中分為二水

四字重文也

漢沖帝詔曰翟義作亂于東霍鴻負倚盩厔芒竹

即此也

其水分為二流一水之

今按戴無此字

東北為枝流一水北

流注于渭也

今按自芒水出南山至此句共八十六字

水經注第七終
後學王梓材錄董沛重校

水經注第八 范陽酈道元注 鄞全祖望校

布政使銜浙江甯紹台兵備道無錫薛福成校刊

渭水二 是卷用黃儀本重校過

又東過槐里縣南又東澇水從南來注之 今案簡首趙有渭水二字

渭水逕縣之故城南

漢書集注李奇謂之小槐里 今按戴有縣字 之西城也

又東與芒水枝流合水受芒水於竹圃東北流又屈

而 今按趙有西字 北入于渭渭水又東北逕黃山宮南 今按此十

字改經為注戴趙同

即地理志所云縣有黃山宮惠帝三年起者也 沈炳

異日是二年。今按戴趙竝徑改二年。東方朔傳曰武帝微行西至

黃山宮故世謂之遊城今按趙有非字也

就水注之今按此四字改經為注戴趙同水出南山就谷北逕大陵

西

世謂之老子陵昔李耳為周柱今按趙史以世衰

入戎於此有豕事非經證然莊周著書云老聃死

秦失弔之三號而出是非不死之言人稟五行之

精氣陰陽有終變亦無不化之理以是推之或復

如傳古人許以傳疑故兩存耳

就水歷竹圃北與黑水合水上承三泉就水之右三

泉奇發言歸一瀆北流左注今按趙作逕就水就水又北

流注于渭渭水又東合田谿水今按此八字改經為注戴趙同水出

南山田谷北流逕長楊宮西又北逕盤屋縣故城西

又東北與一水合水上承盤屋縣南源北逕其縣東

又北逕思鄉城西又北注田谿田谿水又北流注于

渭水也縣北有蒙龍渠上承渭水於郿縣東逕武功

縣為成林渠東逕縣北亦曰靈軹渠漳渠以引堵水

如高曰盤屋有靈軹渠成國渠在陳倉漳水出韋谷太平寰宇記曰漳水在扶風縣三十八里近訛為圍唐置圍川縣。今按漳渠以引堵水戴作河渠書以為引堵水

徐廣曰一作堵川是也

渭水又東逕槐里縣故城南今按此十一字改

縣古犬邱邑也周赧王都之朱謀瑋曰是懿王。今按戴徑改懿王。

秦以為廢邱亦曰舒邱和平元年桓帝封左中郎

將皇甫嵩為侯國沈炳異曰是。中平元年。梓材按趙本引沈氏曰是靈帝中平

○今按戴竝依沈改縣南對渭水北背通渠史記秦本紀云

秦武王三年渭水赤三日秦昭王三十四年渭水

又大赤三日洪範五行傳曰赤者火色也水盡赤

南以火沴水也渭水秦大川也陰陽亂秦用嚴刑敗

亂之象沈炳異曰秦本紀中竝無此文而漢五行志中亦引之不始於善長也再考之則武

昭王事終不見始脫佚矣後項羽入秦封司馬欣

為塞王都櫟陽董翳為翟王都高奴章邯為雍王

都廢邱居槐里為三秦漢祖北定三秦引水灌城

遂滅章邯三年改曰槐里王莽更名槐治也世謂

之大槐里晉太康中始平郡治也其城遞帶防陸

合舊渠尚存即漢書所謂槐里環隄者也

東有涌今按戴水出南山赤谷東北流逕長楊宮東

宮有長楊樹因以為名作漏

涌水又北逕今按戴葦圃西亦謂之仙澤又北逕望

仙宮又東北耿谷水注之水發南山耿谷北流與柳

泉合東北逕五柞宮西

長楊五柞二宮按此條有脫文以太平寰宇記長安志校增入字。今按戴趙並依

增相去八里竝以樹名宮亦由陶氏以五柳立稱

故張晏曰宮有五柞樹在盩厔縣西

其水北逕仙澤東又北今按此二字趙乙逕望仙宮東又北

與赤水會又北逕思鄉城東又北注渭水渭水又東

合甘水今按此七字改經為注戴趙同水出南山甘谷北逕秦文王

萑陽宮西又北逕五柞宮東又北逕甘亭西

在水東鄠縣今按趙作在甘水之東鄠縣昔夏啟伐有扈作誓

于是亭故馬融曰甘有扈南郊地名也按太平寰宇記引此

文有曰扈水上承扈陽池今佚

甘水又東得澇水口水出南山澇谷北逕漢宜春觀

東又今按此二字趙乙北逕鄠縣故城西澇水際城北出合

澇今按戴作美陂水水出宜春觀北東北流注澇水北流

入于渭今按澇水下戴增七字作澇水北注甘水而亂流入于渭

即上林故地也東方朔稱武帝建元中微行北至

池陽西至黃山南獵長楊東遊宜春夜漏十刻乃

出與侍中常侍武騎待詔及隴西北地良家子能

騎射者期諸殿下故有期門之號旦明入山下馳

射鹿豕狐兔手格熊羆上大驩樂之上乃使大中

大夫虞邱壽王與待詔能用竿今按戴者舉籍阿

城以南蓋屋以東宜春以西提封頃畝及其賈直屬之南山以為上林苑東方朔諫秦起阿房而天下亂因陳泰階六符之事上乃拜朔今按戴趙無此字大中大夫給事中賜黃金百斤卒起上林苑故相如請為天子遊獵之賦稱烏有先生亡是公而奏上林也

又東豐水從南來注之

地說云今按地說上戴有豐水出豐谿西北流分為二水一水東北流又北交水自東入焉又北昆明池水注之又北逕靈臺西又北至石墩注于渭四十七字此長安志引水經注之語是豐水篇逸文戴以意於東北流下增為枝津一水西北流入字屬之此篇一若真出大典本者張穆云脫簡數十字乃

大典本絕無之事也渭水又東與豐水會于短陰山內水會今按

水會二字趙作水所匯處無他高山異巒所有唯原阜石激而已

水上舊有便門橋與便門對直武帝建武三年造

沈炳巽曰是建元。今按戴趙徑改建元。張昌曰橋在長安西北茂陵

東如瀆曰去長安四十里杭世駿曰所引張昌乃服虔如瀆乃蘇林

渭水又逕太公廟北

廟前有太公碑文字褫缺今無可尋

渭水又東北與鎬今按戴作水合今按此九字改水

上承鎬池於昆明池北

周武王之所都也故詩云考卜維王宅是鎬京維

龜正之武王成之自漢武帝穿昆明池於是地基

構淪穉今無可究春秋後傳曰使者鄭容入柏谷

關至平舒置按置者郵也近有見華山有素車白

馬問鄭容安之答曰之咸陽車上人曰吾華山君

使願託書致鄙池君子之咸陽過鄙池見大梓下

有文石取以欵列今按趙梓當有應者以書與之

勿妄發致之得所欲鄭容行至鄙池見一梓下果

有文石取以欵梓應曰諾鄭容如睡覺而見宮闕

若王者之居焉謁者出受書入有今按趙無此字而作又見二字

頃聞語聲言祖龍死神道芒昧理難辨測故無以

精其幽致矣

鎬水又北流西北注與滌池合水出鄙池西而北流

入于鎬

毛詩云漉流浪也而世傳以為水名矣鄭玄曰豐

鎬之間水北流也

鎬水北逕清靈臺西按清靈臺王本作谿靈臺朱本

別有考。今按全氏原考已佚據御覽及長安志引

此作清冷臺故戴本改清冷趙雖作谿靈而以谿字

為誤即朱氏之漢靈趙亦謂似是實非也寰宇記引

此作清靈臺全氏從之趙亦以為是漢之靈臺本秦

之清臺耳玉海引又逕磁石門西

門在阿房前悉以磁石為之故專其目令四夷朝

者有隱甲懷刃入門而脅之以示神故亦曰却胡門也

鎬水又北注于渭

渭水北有杜郵亭去咸陽十七里今名孝里亭中有白起祠嗟乎有制勝之功慙尹商之仁是地即其伏劍處也

渭水又東北逕渭城南

今按此九字改經爲注戴趙同

文穎以爲故咸陽矣秦孝公之所居離宮也獻公都櫟陽天雨金周太史儋見獻公曰周故與秦國合而別別五百歲復合合七十歲而霸王出至孝

公作咸陽築冀闕而徙都之故西京賦曰秦里其

霸實爲咸陽

朱謀璋曰霸原文作朔。今按戴經改朔

太史公曰長安

故咸陽也漢高帝更名新城武帝元鼎三年別爲渭城在長安西北渭水之陽王莽之京城也始隸

扶風後并長安

南有

今按趙無此二字有而字

沈水注之

按沈本滂字師古曰滂或作沈因誤爲沈。今

按戴本依此經改沈水又按此句改經爲注戴趙同水上承皇子陂於樊川今按有其字

其地即杜之樊鄉也漢祖之櫟陽以將軍樊噲灌廢邱最賜邑于此鄉也

其水西北流逕今按趙杜縣之杜京西西北流逕杜

伯冢南

杜伯與其友左儒仕宣王儒無罪見害杜伯死之終能報恨于宣王故成公子安五言詩曰誰謂鬼無知杜伯射宣王

沈今按戴作沈下同水又西北逕下杜城

即杜伯國也

沈水又西北支合故渠渠有二流上承交水合于高陽原而北逕河池陂東而北注沈水沈水又北與昆明故池會又北逕秦通六基東又北逕塌水陂東又

北得陂水水上今按趙無此三字承其陂東北流入于沈水

沈水又北逕長安城西與昆明池水合水上承池于昆明臺

故王仲都所居也桓譚新論稱元帝被病廣求方士漢中送道士王仲都詔問所能對曰能忍寒暑乃以隆冬盛寒日令袒載駟馬于上林昆明池上今按趙作乃於盛寒日載以駟馬車於昆明池上環冰而馳御者厚衣狐裘寒戰而仲都獨無變色卧于池臺上曛然自若夏大暑日使曝坐環以十爐火不言熱又身不汗

池水北逕鎬京東秦阿房宮西

史記曰秦始皇三十五年以咸陽之今按戴人多無此字

先王之宮小乃作朝宮于渭南亦曰阿城也始皇

先作前殿阿房今按趙有上字可坐萬人下可建五丈旗

周馳為閣道自殿直抵今按趙有城字南山表山顛為闕

為複道自阿房度渭屬之咸陽象天極閣道絕漢

抵營室也關中記曰阿房殿在長安西南二十里

殿東西千步南北三百步庭中受十萬人

其水又屈而逕其北東北流注竭水陂陂水北出逕

漢武帝建章宮東于鳳闕南東注沈水又北逕鳳闕

東

三輔黃圖曰建章宮漢武造周二十餘里千門萬

戶其東鳳闕高七丈五尺俗言貞女樓非也漢武

帝故事云闕高二十丈關中記曰建章宮圓闕臨

北道有金鳳在闕上高丈餘故號鳳闕也故繁欽

建章鳳闕賦曰秦漢規模廓然毀泯唯建章鳳闕

巋然獨存雖非象魏之制亦一代之巨觀也

沈水又北分為二水一水東北流一水北逕神明臺

東

傳子宮室曰上於建章中作神明臺并榦樓咸高

五十餘丈皆作懸閣輦道相屬焉三輔黃圖曰神

明臺在建章宮中上有九室今人謂之九子臺今按

趙有而字即實非也

沈水又逕漸臺東

漢武故事曰建章宮北有太液池池中有漸臺今按

趙有三十三丈漸浸也為池水所漸一說星名也

高字李克家曰晉志漸南有壁門三層高三十餘丈中

殿十二間階陛咸以玉為鑄銅鳳五丈飾以黃金

樓屋上椽首薄以玉璧因曰璧玉門也

沈水又北流注渭亦謂是水為滂水也故呂忱曰滂

水出杜陵縣

漢書音義曰滂水聲而非水也

亦曰高都水

前漢之末五侯王氏大治池沼今按戴引沈水入

長安城故百姓歌之曰五侯初起曲陽最怒壞決

高都竟連五杜土山漸臺像西白虎即是水也

又東過長安縣北

渭水東分為二水廣雅曰水自渭出為潁其由今按

猶河之有雍也此瀆東北流逕魏雍州刺史郭淮碑

南又東南合一水逕兩石人北

秦始皇造橋鐵鐵重不勝故刻石作力士孟賁等

像以祭之斂乃可移動也

又東逕陽侯祠北

漲輒祠之此神能為大波故配食河伯也後人以為鄧艾祠悲哉讒勝道消專忠受害矣

此水又東注渭水今按趙作渭水又東注此水

水上有梁謂之渭橋秦制也亦曰便門橋秦始皇作離宮於渭水南北以象天宮故三輔黃圖曰渭水貫都以象天漢橫橋南度以法牽牛南有長樂宮北有咸陽宮欲通二宮之間故造此梓材按南十九字趙本據史記索隱引三輔黃圖及別本水經注補今依之。今按趙所據補見朱箋刊誤戴

亦依補 橋廣六丈南北三百八十步六十八間七百

其五十柱一今案戴無此字百二十二梁橋之南北有隄激

立石柱柱南京兆主之柱北馮翊主之有令丞各艾領徒一今案戴無此字千五百人橋之北首壘石水中故

謂之石柱橋也舊有忖留神像此神常與魯班語班令其人今按趙作神出忖留曰我貌猙今按戴醜卿

善圖物容我不能出班于是拱手與言曰出頭見我忖留乃出首班於是以腳畫地忖留覺之便還沒水故置其像于水惟背以上立水上後董卓入關遂焚此橋魏武帝更修之橋廣三丈六尺忖留

之像曹公乘馬見之驚又命下之燕丹子曰燕太子丹質於秦秦王遇之無禮乃求歸秦王為機發之橋欲以陷丹丹過之橋不為發又一說交龍捧

今按戴舉而機不發但言謝兆申曰今不知其故

作扶處矣今按戴

渭水又東與沈水枝津合水上承沈水東北流逕鄧艾祠南又東分為二水一水東入逍遙園注藕池

池中有臺觀蓮荷被浦秀實可翫

其一水北流注于渭渭水又逕長安城北

漢惠帝元年築六年成即咸陽也秦離宮無城故

城之王莽更名常安十二門東出北頭第一門本名宣平門王莽更名春王門正月亭一今按趙曰

東都門其郭門亦曰東都門即逢萌挂冠處也第二門本名清明門一曰凱門王莽更名今按趙曰宣

德門布恩亭內有藉田倉亦曰藉田門第三門本名霸城門王莽更名仁壽門無疆亭民見門色青

又名青城門或曰青綺門亦曰青門門外舊有佳瓜朱謀瑋曰佳一作好昔廣陵人邵平為秦東陵侯

秦破為布衣種瓜此門瓜美故世謂之東陵瓜是以阮籍詠懷詩曰昔聞東陵瓜近在青門外連畛

拒阡陌子母相鉤帶指謂此門也南出東頭第一

門本名覆盜門王莽更名永清門長茂亭其南有

下杜城應劭曰故杜陵之下聚落也故曰下杜門

又曰端門北對長樂宮第二門本名安門亦曰鼎

路門王莽更名光禮門顯樂亭今按趙有卽北對

武庫今按趙作北對未央宮第三門本名平門又曰便門今按

此四字趙在亦王莽更名信平門誠正亭一曰西

安門北對未央宮今按趙無此十字西出南頭第一門本

名章門王莽更名萬秋門億年亭亦曰光華今按趙作

畢門也今按趙有又第二門本名直門王莽更名

直道門端路亭故龍樓門也張晏曰門樓有銅龍

三輔黃圖曰長安西出第二門卽此門也第三門

本名西城門亦曰雍門王莽更名章義門著誼今按

戴作亭其水北入有函里氏今按戴作民名曰函里門

又曰光門今按戴無此四字亦曰突門北出西頭第一門

本名橫門王莽更名霸都門左幽亭如淳曰音光

故曰先門其外郭有都門有棘門徐廣曰棘門在

渭北孟康曰在長安北秦時宮門也如淳曰三輔

黃圖曰棘門在橫門外按漢書徐厲軍於此備凶

奴又有通門亥門也其今按戴無此字第二門本名廚今按

趙作門又曰朝門王莽更名建子門廣世亭一曰

洛高門蘇林曰高門長安城北門也今按趙有一日

內有長安廚官在東故名曰廚門也如瀆曰今名

廣門也第三門本名杜門亦曰利城門王莽更名

進和門臨水亭其外有客舍故民今按趙曰客舍

門又曰洛門也凡此諸門皆通達九達三途洞開

隱以金椎周以林木左出右入為往來之徑行者

升降有上下之別漢成帝之為太子元帝嘗急召

之太子出龍樓門不敢絕馳道西至直城門方乃

得度上怪遲問其故以狀對上悅乃著令令太子

得絕馳道也

渭水東合昆明故渠渠上承昆明池東口東逕河池

陂今按趙北亦曰女觀陂又東合沈水亦曰漕渠又

東逕長安縣南東逕明堂南舊引水為辟雍處

在鼎路門東南七里其制上圓下方九宮十二堂

四嚮五室堂北三百步有靈臺是漢平帝永今按

元均作始四年立渠南有漢故園北成帝建始二年

罷雍五時始祀皇天上帝於長安南郊應劭曰天

郊在長安南即此也故渠之北有白亭博望苑漢

武帝為太子立使通賓客從所好也太子巫蠱事

發斫杜門東出史良娣死葬於苑北宣帝以為是園以倡優千人樂思后園廟故亦曰千鄉

故渠又東而北屈逕青門外與沈水枝渠會渠上承沈水於章門西飛渠引水入城東為倉池

池在未央宮西池中有漸臺漢兵起王莽死於此臺

又東逕未央宮北

高祖在關東令蕭何成未央宮何斬龍首山而營之山長六十餘里頭臨渭水尾達樊川頭高二十丈尾漸下高五六丈土色赤而堅云昔有黑龍從

南山出飲渭水其行道因山成跡山即基闕不假築高出長安城北有玄武闕即北闕也東有蒼龍闕闕內有闔闔止車諸門未央殿東有宣室玉堂麒麟含章白虎鳳凰朱雀鸞鸞昭陽諸殿天祿石渠麒麟三閣

未央宮北即桂宮也

周十餘里內有明光殿走狗臺柏梁臺舊乘複道用相逕通故張衡西京賦曰鉤陳之外閣道穹窿

今按戴作隆屬長樂與明光逕北通於桂宮故渠出二宮之間謂之明渠也又東歷武庫北

舊樗里子葬於此樗里子名疾秦惠王異母弟也

滑稽多智秦人號曰智囊葬於昭王廟西渭南陰

鄉樗里故俗謂之樗里子沈炳異曰樗里子居於樗里葬於章臺耳善長

誤以為葬于樗里而下又曰葬於章臺矣云我百歲後是有天子之

宮夾我墓疾今按趙以昭王七年卒葬於渭南章

臺東至漢長樂宮在其東未央宮在其西武庫直

其墓秦人嘖曰力則任鄙智則樗里是也

明渠又東逕漢高祖長樂宮北

本秦之長樂宮也周二十里殿前列銅人殿西有

長信長秋永壽永昌諸殿殿之東北有池池北有

層臺俗謂是池為酒池非也故渠北有樓豎漢京

兆尹司馬文預碑今本作故渠北有樓者

故渠又東出城分為二渠即漢書所謂王渠者也蘇

林曰王渠官渠也猶今御溝矣晉灼曰渠名也在城

東覆盎門今按趙外一水逕楊橋下即青門橋也側

城北逕鄧艾祠西而北注渭今無水其一水右入昆

明故今按趙無渠東逕奉明縣廣城鄉之廣今按戴

明苑南

史皇孫及王夫人葬於郭北宣帝遷苑南卜以為

悼園益園民千六百家立奉明縣以奉二園園在

東都門昌邑王賀自霸御法駕郎中龔遂驂乘至

廣明東都門是也沈炳異曰此條舊衍史皇孫及王夫人七字今芟。今按戴趙

竝依芟

故渠東北逕漢太尉夏侯嬰冢西

葬日柩馬悲鳴輕車罔進下得石槨銘云于嗟勝

公居此室故遂葬焉冢在城東八里飲馬橋南四

里故時人謂之馬冢今按戴本此下有故渠又北分爲二渠東逕虎圈南而東

入霸一水北合渭今無水二十五字

又東過霸陵縣北霸水從縣西北流注之

霸者水上地名也古曰滋水矣秦穆公霸世更名滋

水爲霸水以顯霸功水出藍田縣藍田谷所謂多玉

者也西北有銅谷水次東有鞞谷水二水合而西注

今按趙有之字又西流入塋水塋水出藍田之東谷俗謂之

劉谷西北與石門谷水合石門谷水東卽銅谷水也

舊有脫文今以長安志校增。今按自塋水出藍田至此三十一字戴趙均無

曉關北歷曉柳城

東西有二城魏置清今按戴作青下同塋軍於城內世亦

謂之清塋城也秦二世三年漢祖入自武關攻秦

趙高遣將距於曉關者也土地記曰藍田縣南有

曉關地名曉柳道通荊州晉地道記曰關當上洛

縣西北

湓水又西北流入霸霸水又北歷藍田川逕藍田縣

北今按戴作東

竹書紀年梁惠成王三年秦子向命為藍君蓋子向之故邑也川有漢臨江王榮冢景帝以罪徵之將行祖於江陵北門車軸折父老泣曰吾王不反矣榮至中尉郅都急切責王王年少恐而自殺葬於是川有燕數萬銜土置冢上百姓矜之

霸水又左合澹水歷白鹿原東

即霸川之西故芷陽矣史記秦襄王葬芷陽者是

也謂之霸上漢文帝葬其上謂之霸陵上有四出道以瀉水在長安東南三十里故王仲宣賦詩云南登霸陵岸迴首望長安漢文帝嘗欲從霸陵上西馳下峻坂袁盎攬轡於此處上曰將軍怯也盎曰臣聞千金之子坐不垂堂百金之子立不倚衡聖人不乘危今馳不測如馬驚車敗奈高廟何上乃止

霸水又北長水注之水出杜縣白鹿原其水西北流

謂之荆谿今按趙有荆谿水三字又西北左合狗枷川水水有

二源西川上承礧山之斫磐谷次東有苦谷二水合

而東北流逕風涼原西今按趙霸縣有谷水東有昔谷二水合

關中圖曰麗山之西川中有阜名曰風涼原在磈

山之陰雍州之福地即是原也

其水傍谿北注

原上有漢武帝祠

其水右合東川水水出南山之石門谷次東有孟谷

次東有大谷次東有雀谷次東有土門谷五水北合

會原為二水之會亂流北逕宣帝許后陵東今按趙霸縣有而字

北去杜陵十里斯川於是有狗枷之名川東亦曰白

鹿原也

上有狗枷堡三秦記曰麗山西有白鹿原原上有

狗枷堡秦襄公時有天今按戴狗來下有賊則狗

吠之今按趙霸縣有故字一堡無患故川得厥目焉

川水又北逕杜陵東

元帝初元元年葬宣帝杜陵北去長安五十里陵

之西北有杜縣故城秦武公十一年縣之漢宣帝

元康元年以杜東原上為初陵更名杜縣為杜陵

今按趙霸縣有也字王莽之饒安也

其水又北注荆谿荆谿水又北逕今按趙霸縣有也字霸縣今按趙作

水又有溫泉入焉水發自原下入荆谿水亂流注于霸謂之澆水非也

史記音義文帝出安門注云在霸陵縣有故亭卽郡國志所謂長門亭也史記云霸澆豐滂涇渭長

水今按戴趙均作霸澆長水也無豐滂渭涇四字雖不在祠典以近咸陽

秦漢都今按戴趙有涇渭長水四字盡得比大川之禮按諸本舊有誤

文今以封禪書校改昔文帝居霸陵北臨厠指新豐路示慎

夫人曰此走邯鄲道也因使慎夫人鼓瑟上自倚瑟而歌悽愴悲懷顧謂羣臣曰以北山石爲槨用紵絮斲陳漆其間豈可動哉釋之曰使其中有可

欲雖銅南山猶有隙使無可欲雖無石槨又何戚焉文帝曰善拜廷尉韋昭曰高岸夾水爲廁今斯原夾水也

霸水又北會兩川又北故渠右今按趙作左出焉霸水又

北逕王莽九廟南

王莽地皇元年博徵天下工匠壞撤西苑建章諸宮館十餘所取材瓦以起九廟竿及吏民以義入錢穀助成九廟廟殿皆重屋太初祖廟東西南北各四十丈高十七丈餘廟半之爲銅薄櫨飾以金銀雕文窮極百工之巧橈高增下功費數百巨萬

卒死者萬數

霸水又北逕枳道

在長安縣東十三里王莽九廟在其南漢世有白

鷺羣飛

顧炎武曰當作白蛾事見漢元帝紀。今按戴徑改白蛾

自東都門過

于今按戴

無此字

枳道呂后被除于霸上還見倉狗戟

今按

趙作

替於斯道也水上有橋謂之霸橋地皇三年

霸橋木災自東起卒數千以水汎沃救不滅晨熾

夕盡王莽惡之下書曰甲午火橋乙未立春之日

也予以神明聖祖黃虞遺統受命至于地皇四年

為十五年正以三年終冬絕滅霸駁之橋欲以興

成新室統一長存之道其名霸橋為長存橋

霸水又北左納漕渠絕霸右出焉東逕霸城北又東

逕子楚陵北

皇甫謐曰秦莊王葬於芒蕩之麗山

沈炳異曰芷陽誤作芒蕩

。今按戴趙

竝改正陽京兆東南霸陵山劉向曰莊王大其

名立墳者也戰國策曰莊王字異人更名子楚故

世人猶以子楚名陵

又東逕新豐縣右會故渠渠上承霸水東北逕霸城

縣故城南

漢文帝之霸陵縣也王莽更之曰水章魏文帝黃

初元年徙長安金狄重不可致因留霸城南顧炎武曰

是明帝景初元年按范史方術傳注引此文已誤矣。今按戴本徑改明帝景初人有見

薊子訓與父老共摩銅人曰正見鑄此時計其今按

戴趙日似今按戴作已趙作以近五百年矣

故渠又東北逕劉更始冢西

更始二年為赤眉所殺故侍中劉恭夜往取今按趙作

收而埋之光武使司徒鄧禹收葬于霸陵縣更始

尚書僕射行大將軍事鮑永持節安集河東聞更

始死歸世祖累遷司隸校尉行縣經今按趙作逕更始

墓遂下拜哭盡哀而去帝問公卿大中大夫張湛

曰仁不遺舊忠不忘君行之高者帝乃釋然今按趙作

之數無此字

又東北逕新豐縣右合漕渠漢大司農鄭當時所開

也以涓難漕命齊水工徐伯今按趙有乃字發卒穿渠引涓

合今按戴作其渠自昆明池南傍山原東至于河且田且

漕大以為便今無水今按趙此三字霸水又北逕秦虎圈

東

烈士傳曰秦昭王會魏王魏王不行使朱亥奉璧

一雙秦王大怒置朱亥虎圈中亥瞑目視虎背裂

血出濺虎虎不敢動即是處也

灞水又北入于渭水渭水又東會成國故渠渠魏尚

書左僕射衛臻征蜀所開也號成國渠按成國乃西京故渠非魏

所開善長上引以澆今按趙田其瀆上承汧水於陳

倉東東逕郿及武功槐里縣北

渠左有安定梁巖冢碑碣尚存

又逕漢武帝茂陵南

故槐里之茂鄉也應劭曰武帝自為陵在長安西

北八十餘里漢武帝故事曰帝崩後見形謂陵令

薛平曰吾雖失勢猶為汝君奈何令吏卒上吾陵

磨刀劍乎自今以後可禁之平頓首謝因不見推

問陵傍果有方石可以為礪吏卒常盜磨刀劍霍

光欲斬之張安世曰神道茫昧不宜為法乃止故

阮公詠懷詩曰失勢在須臾帶劍上吾邛陵之西

南如今按戴陵夫人兄延年知音尤善歌舞帝愛

之英今按趙陵夫人兄延年知音尤善歌舞帝愛

之每為新聲變曲聞者莫不感動常侍上起舞歌

曰北方有佳人絕世而獨立一顧傾人城再顧傾

人國甯不知傾城復傾國佳人難再得上曰世豈

有此人乎平陽主曰延年女弟上召見之妖麗善

歌舞得幸早卒上憫念之以后禮葬后舊本誤作厚何焯改

今按戴趙悲思不已賦詩悼傷梓材按趙氏朱箋

竝依改陵一條全氏據黃圖移在漢武帝茂陵之下。今

按英陵一條自如北一里至賦詩悼傷百二十四

字朱謀埠本錯在本卷又北逕戲亭東

之下全氏移置於此戴趙竝依全移

故渠又北分爲二渠東逕虎圈南而東入霸一水北

合渭今無水今按此二十五字戴移置故渠又東逕

茂陵縣故城南上文故時人謂之馬冢下

武帝建元二年置地理志曰宣帝縣焉王莽之宣

成也

故渠又東逕龍泉北今人謂之溫泉非也渠北故坂北即龍淵廟如瀆

曰三輔黃圖有龍淵宮今長安城西有其廟處蓋

宮之遺也

故渠又東逕姜原北

渠北有漢昭帝平今按戴陵東南去長安七十里

又東逕平陵縣故城南無此字

地理志曰昭帝置王莽之廣利也故渠之南有竇

氏泉北有徘徊廟

又東逕漢大將軍魏其侯竇嬰冢南又東逕成帝陵

南

陵之東北五里即平帝康陵坂也

故渠又東逕渭陵南

元帝永元四年按是永光。今按以渭城壽陵亭

原上為初陵詔不立縣邑

又東逕哀帝義陵南又東逕惠帝安陵南

陵北有安陵縣故城今按趙地理志曰惠帝置王

莽之嘉平也渠側有杜郵亭

又東逕渭城北

地理志曰縣有蘭池宮秦始皇微行逢盜于蘭池

今不知所在也程大昌曰咸陽縣東二十五里蘭池

立池陽縣。今按戴無也字

又東逕長陵南

亦曰長山也三秦記曰長安城北有平原廣數百

里民井汲巢居井深五十丈今按此二十五字戴

北注于渭下惟長安城作秦名天子冢曰山漢曰

陵故通曰山陵矣風俗通曰陵者天生自然者也

今王公墳壠稱陵春秋左傳曰南陵夏后臯之墓

也春秋說題辭曰邱者墓也冢者種也種墓也羅

倚于山分卑尊之名者也

故渠又東逕漢丞相周勃冢南

冢北有亞夫冢亞舊本誤作弱故渠東南謂之周氏曲

又東南逕漢景帝陽今按趙陵南又東南注于渭今無此字無水渭水又東逕霸城縣北與高陵分水

水南有定陶恭王廟傳太后陵元帝崩傳昭儀隨王歸國稱定陶太后後十年恭王薨子代為王徵為太子太子即帝位立恭王寢廟于京師比宣帝父悼皇故事元壽元年傳后崩合葬渭陵潘岳關中記漢帝后同塋則為合葬不共陵也諸侯皆如之恭王廟在霸城西北廟西北即傳太后陵不與元帝同塋渭陵非謂元帝陵也蓋在渭水之南故曰渭陵也陵與元帝齊者謂同十二丈也王莽奏

毀傳太后冢冢崩壓殺數百人開棺梟今按戴聞

數里里舊本作月何焯改公卿在位皆阿莽旨入

錢帛遣子弟及諸生四夷凡十餘萬人操持作具助將作掘傳后冢二旬皆平周棘其處以為世戒今其處積土猶高世謂之增墀又亦謂之增阜俗亦謂之成帝初陵處所未詳也

渭水又逕平阿侯王譚墓北

冢次有碑

左則涇水注之渭水又東逕鄠縣西蓋隴西郡之鄠徙也

渭水又東得白渠枝口又東與五丈渠合水出雲陽
縣石門山謂之清水東南流逕黃嶽山西又南入祿
祿今案此二字戴从縣歷原南出謂之清水口東南
流絕鄭渠又東南入高陵縣逕黃白城西

本曲梁宮也

南絕白渠屈而東流謂之曲梁水又東南逕高陵縣
故城北東南絕白渠瀆又東南入萬年縣謂之五丈
渠又逕藕原東東南流注於渭渭水右逕新豐縣故
城北東與魚池水會水出麗山東北今按趙本導源
東流後秦始皇葬于山北水過而曲行東注北轉始

皇造陵取土其地汗深水積成池謂之魚池池

今按戴作

也在秦皇陵東北五里周圍四里池水西北流逕始

皇家北

秦始皇大興厚葬營建冢壙于麗戎之山一名藍
田其陰多金其陽多玉始皇貪其美名因而葬焉
斬山鑿石下錮三泉以銅爲槨旁行周迴三十餘
里上畫天文星宿之象下以水銀爲四瀆百川五
嶽九州其地理之勢宮觀百官奇器珍寶充滿其
中令匠作機弩有所穿近輒射之以人魚膏爲燈
燭取其不滅者久之後宮無子者皆使殉葬甚衆

墳高五丈周迴五里餘作者七十萬人積年方成而周章百萬之師已至其下乃使章邯領作者以禦難弗能禁項羽入關發之以三十萬人三十日運物不能窮關東盜賊銷檣取銅牧人尋羊燒之火延九十日不能滅北對鴻門十里

池水又西北流水之西南有溫泉

世以療疾三秦記曰麗山西北有溫水祭則得入不祭則爛人肉俗云始皇與神女唾之生瘡朱之臣曰三秦記始皇與神女游而忤其旨神女唾之始生瘡今所引有脫文○今按戴趙均依補謝之神女為出溫水後人因以澆洗瘡張衡溫泉

賦序曰余出麗山觀溫泉浴神井嘉洪澤之普施乃為之賦云此湯也不使灼人形體矣

池水又逕鴻門西又逕新豐縣故城東

故麗戎地也高祖王關中太上皇思東歸故象舊里制茲新邑立城社樹枌榆令街庭若一分置豐民以實茲邑故名之為新豐也漢靈帝建寧三年改為都鄉封段熲為侯國漢封段熲為新豐都鄉侯耳非改新豐為都鄉也漢制十里一亭十亭一鄉而都鄉都亭所以統一縣之鄉亭者故有鄉侯亭侯又有都鄉侯都亭侯竇憲徙封比景都鄉侯是也范史于都鄉都亭侯多畧其爵以致其地多無考而善長于以又增一巨後立陰槃城其水際城北今按趙作北城出

世謂是水爲陰槃水

又北絕漕渠北

今按趙無此字

注于渭渭水又東逕鴻門北

舊大道北下坂口名也

右今按趙作古

有鴻門

今按戴無此字

亭漢書高祖將見項羽楚漢春秋曰項王在鴻門

亞夫曰吾使人望沛公其氣衝天五色采

今按趙無此字

相繆或似龍或似雲非人臣之相可誅之

今按趙有漢字

高祖會項羽范增目羽羽不應樊噲杖盾撞人入

食豕肩于此羽壯之郡國志曰新豐縣東有鴻門

亭者也郭緣生曰

趙氏朱箋刊誤云郭緣生下落日字全氏校增○今按戴無日

字而有述或云霸城南門曰鴻門也項羽將因會

危高祖羽仁而弗斷范增謀而不納項伯終護高

祖以獲免既抵霸上遂封漢王按漢書注鴻門在

新豐東十七里則霸上應百里按史記項伯夜馳

告張良良與俱見高祖仍使夜返考其道里不容

得爾今父老傳在霸城南門數十里於理爲得按

緣生此記雖歷覽史漢述行涂經見可謂學而不

思矣今新豐縣故城東三里有坂長二里餘塹原

通道南北洞開有同門狀謂之鴻門孟康言在新

豐東十七里無之蓋指縣治而言非謂城也自新

豐故城西至霸城五十里霸城西十里則霸水西

二十里則長安城應劭曰霸水上地名在長安東
二十里卽霸城是也高祖舊停軍處東去新豐既
遠何由項伯夜與張良共見高祖乎推此言之知
緣生此記乖矣

渭水又東石川水南注焉渭水又東戲水注之水出
麗山馮公谷東北流又北逕麗戎城東

春秋晉獻公五年伐之獲麗姬於是邑麗戎男國
也姬姓秦之麗邑矣

又北右總三川逕鴻門東又北逕戲亭東
應劭曰戲弘農湖縣西界也地隔諸縣不得爲湖

縣西今按趙無此二字蘇林曰戲邑名在新豐東南三

東戴作十里孟康曰乃水名也今戲亭是也昔周幽

水王悅褒姒不笑王乃擊鼓舉烽以徵諸侯諸侯
今按趙無此二字至無寇褒姒乃笑王甚悅之及犬戎至

王又舉烽以徵諸侯諸侯不至遂敗幽王於戲水
之上身死於麗山之北故國語曰幽滅者也漢成
帝建始二年造延陵爲初陵以爲非吉於霸曲亭
南更營之鴻嘉元年於新豐戲鄉爲昌陵縣以奉
初陵永始元年詔以昌陵卑下客土疏惡不可爲
萬歲居其罷陵作令吏民反故徙將作大匠解延

今按戴年燉煌關中記曰昌陵在霸城東二十里作萬取土東山與粟同價所費巨萬積年無成即此處也

戲水又北分爲二水竝注渭水渭水又東冷水入焉

水南出浮肺山宋敏求曰浮肺一作肺浮蓋麗山連

麓而異名也北會三川統歸一壑歷陰槃新豐兩原

之間北流注於渭渭水又東得今按戴趙無此字首

水南出倒虎山西總五水單流今按趙逕秦步高宮

東

世名市邛城

歷新豐原東而北逕步壽宮西又北入渭渭水又東得西陽水又東得東陽水竝南出廣鄉原北垂俱北入渭渭水又東逕下邳縣故城南

秦伐邳置邳戎於此有上邳故加下也

渭水又東與竹水合水南出竹山北逕媚加谷歷廣鄉原東俗謂之大赤水北流注於渭渭水又東得白渠口大始二年趙國中大夫白公奏穿渠引涇水首起谷口出於鄭渠南名曰白渠民歌之曰田于何所池陽谷口鄭國在前白渠起後即水所始也東逕宜春城南又東南逕池陽城北枝瀆出焉東南逕今按戴作

歷藕原下又東今按趙無此二字逕鄆縣故城北東南入渭

今無水白渠又東枝渠出焉東南逕高陵縣故城北

地理志曰左輔都尉治王莽之干春也太康地記

謂之曰高陸也車頻秦書曰符堅建元十二今按戴作

四年高陸縣民穿井得龜大二尺六寸背文負八

卦古字堅以石為池養之十六年而死取其骨以

問吉凶名為客龜大卜佐高魯夢客龜言我將歸

江南不遇死於秦魯於夢中自解曰龜三萬六十

歲而終終必亡國之徵也為謝玄破于淮肥自縊

新城浮圖中秦祚因即淪矣

又東逕櫟陽城北

史記秦獻公二年城櫟陽自雍徙居之十八年兩

金於是處也項羽以封司馬忻為塞王按漢書高

帝克關中始都之趙氏朱箋刊誤云高帝下落克字全氏校增○今按戴亦依增

王莽之師亭也後漢建武二年封驃騎大將軍景

丹為侯國丹讓世祖曰富貴不還故鄉如衣錦夜

行故以封卿

白渠又東逕秦孝公陵北又東南逕居陵城北蓮芍

城南又東注金氏陂又東南注于渭故漢書溝洫志

曰白今按趙無此字渠首起谷口尾入櫟陽是也今無水

又東過鄭縣北

渭水又東逕巒都城北

故蕃邑殷契之所居世本曰契居蕃闕駟曰蕃在鄭西然則今巒城是矣俗名之赤城水曰赤水非也苻健入秦據此城以抗杜洪

小赤水即山海經之灌水也水出石脆之山北逕蕭加谷于孤柏原西東北流與禹水合水出英山北流與招水相得亂流西北注于灌灌水又北注于渭渭水又東西石橋水南出馬嶺山積石據其東麗山距其西源泉上通懸流數十與華岳同體其水北逕鄭

城西

水上有橋橋雖崩褫舊跡猶存東去鄭城十里故世以橋名水也

而北流注于渭闕駟謂之新鄭水渭水又東逕鄭縣故城北

史記秦武公十年縣之鄭桓公友之故邑也漢書

薛瓚注言周自穆王已下都於西今按趙作新鄭不得

以封桓公也幽王既敗號儉今按趙作檜下同又滅遷居

其地國于鄭父之邱是為鄭桓公無封京兆之文余按遷史記考春秋國語世本言周宣王二十二

年封庶弟友于鄭又春秋國語竝言桓公為周司

徒以王室將亂謀於史伯而寄帑與賄於虢僉之

間幽王實於戲實舊本誤作宮吳本改作卒。梓材按趙氏朱箋刊誤云作宮作卒

全氏云皆非也宮字是實字鄭桓公死之平王東

遷鄭武公輔王室滅虢僉而兼其土故周桓公言

於王曰我周之東遷晉鄭是依乃遷封於彼左傳

隱公十一年鄭伯使今按戴公孫獲居許今按戴

此二曰吾先君新邑於此其能與許爭乎是其今

戴無指新鄭為言矣然班固應劭鄭玄皇甫謐裴

頴王隱鬪駟及諸作述者咸以西鄭為友之始封

也今按戴賢於薛瓚之單說也無宜違正經而從

逸錄矣赤眉樊崇於鄭今按戴北設壇祀城陽景

王而尊右校卒史劉俠卿牧牛兒盆子為帝年十

又五被髮徒跣為具絳單衣半頭赤幘直綦履顧見

眾人拜恐畏欲啼號年建世後月餘乘白蓋小車

與崇及尚書一人相隨向鄭北渡渭水即此處也

城南山北有五部神廟東南向華岳廟前有碑後

漢光和四年鄭縣令河東裴畢字君先立趙一清

錄作裴暕字君光

渭水又東今按趙與東石橋水會故沈水也水南出

馬嶺山北流逕武平城東

按地理志左馮翊有武城縣王莽之桓城也

石橋水又逕鄭城東

水有故石梁述征記曰鄭城東西十四里各有石

梁者也

顧祖禹曰劉裕伐秦秦將姚難自香城引兵西秦主泓自霸上還屯石橋以為之援

此西石橋也唐高潯合河中兵討黃巢收華州尋敗於石橋潯奔河中此東石橋也

又北逕沈陽城北注于渭

今按趙無此三字

漢書地理志左馮翊有沈陽縣王莽更之曰制昌

也蓋藉水以取稱矣

渭水又東敷水注之水南出石山之敷谷北逕告平

城東

者舊所傳言武王伐紂告太平於此故城得厥名

非所詳也

敷水又北逕集靈宮西

地理志曰華陰縣有集靈宮武帝起故張昶華嶽

碑稱漢武慕其靈築宮在其後

而北流注于渭渭水又東糧餘水注之水南出糧餘

山之陰

糧餘多誤作良餘以太平寰宇記校改○今按戴趙竝依改

北流入於渭

俗謂之宣水也渭水又東合黃酸之水世名之為千

今按趙訛作于

渠水水南出升山北流注於渭渭水又東逕

平舒城北

城側枕渭濱半破淪水南面通衢昔秦始皇之將
 亡也江神素車白馬道華山下返壁於華陰平舒
 道曰爲遺鑄池君使者致之乃二十八年渡江所
 沈璧也卽江神返璧處也渭水之陽卽懷德縣界
 也城在渭水之北沙苑之南卽懷德縣故城也世
 謂之高陽城非矣地理志曰禹貢北條荆山在南
 山下有荆渠卽夏后鑄九鼎處也王莽更縣曰德
 驪

渭水又東逕長城北長澗水注之水南出太華之山

側長城東而北流注于渭水

史記秦孝公元年楚魏與秦按界魏築長城自鄭
 濱洛者也

又東過華陰縣北

渭水東南此四字今按戴無梓材按趙氏朱箋刊洛水入焉誤云寰宇記引此文
作洛水東南沮水入焉全氏云此闕駟以爲漆沮之
誤也當作渭水東南洛水入焉
 水焉今按戴

曹瞞傳曰操與馬超隔渭水每渡渭輒爲超騎所
 衝突地多沙不可築城婁子伯說今寒可起沙爲
 城以水灌之一宿而成操乃多作縑囊以堙水夜

汲作城比明城立於是水之次也

渭水逕

今按趙有華陰二字

縣故城北

春秋之陰晉也秦惠文王五年改曰寧秦漢高帝八年更名華陰王莽之華壇也縣有華山山海經曰其高五千仞削成而四方遠而望之又若華狀西南有小華山也韓子曰秦昭王令工施鉤梯上華山以節柏之心為博箭長八尺棋長八寸而勒之曰昭王常與天神博於是神仙傳曰山中衛叔卿嘗乘雲車加白鹿見漢武帝帝將乘之叔卿不言而去武帝悔求得其子度世令追其父度世登

華山見父與數人博於石上勅度世令還山層雲

秀故能懷靈抱異耳山上有二泉東西分流至若

山雨滂湃洪津泛灑挂溜騰虛直瀉山下有漢文

帝廟

今按趙作漢魏文帝二廟

廟有石闕數碑一碑是建安中

立漢鎮遠將軍段熲更修祠堂碑文漢給事黃門

侍郎張景造景自書之元常

常今本誤作帝何焯改或曰當改文帝○

今按戴作文帝

又刊其

今按趙有碑陰二字

二十餘字二書

有重名傳於海內

今按戴作書存垂於海內趙與全同惟改傳為垂

又刊

侍中司隸校尉鍾繇弘農太守母邱儉姓名廣六

行鬱然循

今按戴作脩

平是太康八年弘農太守河東

衛叔始為華陰令河東裴仲恂役其逸力修立壇廟夾道樹柏迄于山陰事見永興元年華百石所造碑

渭水又東沙渠水注之水出南山北流西北入長按今

趙有城安字

城自華山北達今按趙于河華嶽銘曰秦晉爭其

祠立城建其左者也郭著述征記指證魏之立長城長城在後不得言在斯斯為非矣

渠水又北注于今按趙渭今按此下戴有三秦記曰

民井汲巢居井深五十尺渭水又東逕定城北二十四字自上交移置

西征記曰城因原立述征記曰定城去潼關三十

里夾道各一城

渭水又東泥泉水注之水出南山靈谷而北流注于

渭水也渭水又東合沙渠水水即符愚今按戴趙

水也今按戴有南而出今按此二字觀今按戴趙愚

之山北流入今按趙于渭均作符

東入于河今按趙本句

春秋之渭汭也左傳閔公二年虢公敗犬戎于渭隊

服虔曰隊謂汭也杜預曰水之隈曲曰汭王肅云汭

入也呂忱曰汭者水相入也水會即船司空所在矣

地理志曰渭水東至船司空入河服虔曰縣名

都官都官二字可疑三輔黃圖有船庫官後改爲縣王莽之船利也

漆水

漆水出扶風杜陽縣俞山東北入于渭

山海經曰踰次之山漆水出焉北流注于渭蓋自北

而南矣尙書禹貢太史公禹本紀云導渭水東北至

涇又東過今按趙作涇漆沮入於河河一本誤作洛今從吳本孔安國

曰漆沮一水名矣亦曰洛水也出焉朔北

周太王去邠度漆踰梁山至岐下故詩云民之初

生自土沮漆又曰率西水澣至于岐下是符禹貢

本紀之說

許慎說文稱漆水出右扶風杜陽縣岐山東入渭從

水柰聲又云一曰漆城池也潘岳關中記曰關中有

涇渭灃澹鄠鄠漆沮之水鄠鄠漆沮四水在長安城

南鄠縣今按戴有漆沮二字皆有今按戴有南字注鄠鄠水北注渭按二句有

誤文。今按開山圖曰麗山西北有温池温池西南

八十里岐山在杜陽北長安西有渠謂之漆渠今按趙作

柴渠班固地理志云漆水在今按趙漆縣西闕駟十

三州志又云漆水出漆縣西北至岐山東入渭今有

水出杜陽縣岐山北漆谿謂之漆渠西南流注岐水

但川土奇異今說互出考之經史各有所據識淺見

浮無以辨之矣王應麟曰沮漆名相亂水經云沮

縣北東入于洛此沮水之源流也漢志扶風有漆縣

漆水在縣西東入渭又關駟十三州志云漆水出漆

縣西北至岐山東入渭此沮水之源流也沮水出北

地入洛漆水出扶風入渭沮水自漆自漆也沮水出北

引水經云沮水俗謂之漆水又謂之漆沮此則名稱

相亂矣諸家書解以出扶風之漆水與出北地之沮

水為二謂扶風之漆水至岐山入渭在灋之上流而

書言渭水會灋會涇之後乃過漆沮則漆沮在灋水

涇水之漆別也但水經出北地者止是沮水而謂之

漆沮耳如所言則詩之漆沮自是二水書之漆沮

止是一水即詩之沮也然水經之沮入洛書之漆沮

則入渭沮水若為漆沮一名洛水則漆沮

即洛也而又入洛何也姑闕之以俟知者

沮水按說文沮當作澶今按趙作澶

沮水出北地直路縣東過馮翊郡北東入于洛

地理志曰沮出畿縣西東入洛按地志沮水出直路

經改直路縣今水自直路縣東南逕熹今按戴石山

東南流歷檀臺川俗謂之檀臺水屈而夾山西流又

西南逕宜君川世又謂之宜君水又得黃嶽水口水

西北出雲陽縣石門山黃嶽谷東南流注宜君水又

東南流逕祿禰縣故城西

縣以漢景帝二年置

其水南合銅官水出縣東北西南逕銅官川謂之銅

官水又西北流逕祓祠縣東西南流逕其城南原下而西南注宜君水宜君水又南出土門山西又謂之沮水又東南歷土門南原下東逕懷德城南

城在北原上

又東逕漢太上皇陵北

陵在南原上

沮水東注鄭渠昔韓欲令秦無東伐使水工鄭國間秦鑿涇引水謂之鄭渠渠首上承涇水于中山西邸瓠口所謂瓠中也爾雅以為周焦穫矣今按戴趙俱有為字渠竝北山東注洛三百餘里欲以溉田中作而覺秦欲

殺鄭國曰始臣為間然渠成今按戴無此字亦秦之利卒使

就渠渠成而用渠填闕之水溉澤鹵之地四萬餘頃皆畝一鍾關中沃野無復凶年秦以富强卒并諸侯

命曰鄭渠渠瀆東逕宜秋城北又東逕中山南河渠

書曰鑿涇水自中山西邸瓠口為渠今按戴趙均無此五字封

禪書漢武帝獲寶鼎於汾陰將薦之甘泉鼎至中山氤氳有黃雲蓋焉徐廣史記音義曰關中有中山非

冀州者也指證此山俗謂之仲山非也鄭渠又東逕

捨車宮南絕冶谷水鄭渠故瀆又東逕截薛山南池

陽縣故城北又東絕清水又東逕北原下濁水注焉

自濁水以上無按此處有誤文○濁水上承雲陽縣今按戴作今無水

東大黑泉東南流謂之濁谷水又東南出原注鄭渠

又東歷原逕曲梁城北又東逕太上陵南原下北屈

逕原東與沮水合分爲二水一水東南出即濁水也

濁水尙書孔疏引作濯水至白渠與澤泉合俗謂之漆水又謂之

爲漆沮水絕白渠東逕萬年縣故城北爲櫟陽渠

城即櫟陽宮也漢高帝葬皇考於是縣起墳陵署

邑號故今按戴作改曰萬年也地理志曰馮翊萬年縣

高帝置王莽曰異赤也故徐廣史記音義曰櫟陽

今萬年矣

闕駟曰縣西有涇渭北有小河謂此水也其水又南

屈更名石川水又西南逕郭藪城西與白渠枝渠合

又南入于渭水也其一水東出即沮水也東與澤泉

合水出沮東澤中與沮水隔原相去十五里俗謂是

水爲漆水也東流逕薄昭墓南

冢在北原上

又逕懷德城北東南注鄭渠合沮水又自沮直絕注

濁水至白渠合焉故濁水得漆沮之名也沮循鄭渠

東逕當道城南城在頻陽縣故城南

頻陽宮也秦厲公置城北有頻山山有漢武帝殿

以石架之縣在山南故曰頻陽也

應劭曰縣在頻水之陽今縣之左右無水以應之所

可當者惟鄭渠與沮水又東逕蓮芍縣故城北

十三州志曰縣以草受名也

沮水又東逕漢光武故城北又東逕粟邑縣故城北

王莽更名粟城也後漢封騎都尉耿夔為侯國

其水又東北流注於洛水也

澹水

澹水出京兆藍田谷北入于渭

地理志曰澹水出南陵縣之藍田谷西北流與一水

合水出西南莽谷東北流注澹水澹水又北歷藍田

川北流注于灞水地理志曰澹水北至灞陵入灞水

按地志則澹水作沂水而師古曰先歷

鮪琦亭集東地望言之當是澹水

水道師古又善為之釋文如圍水之本為園水慎

沂水之本為澹田谷北至灞陵入灞水亦出藍田

谷入渭師古曰沂先歷翻則沂字而涅聲歷考諸

書未聞霸上有沂水也因質之為地理之學亦

莫能證其目或曰沂者世之通也泥水亦出藍田

西逕曉關而復會於霸今世多以省文作泥其音

之轉為泥是說也迂迴曲折以求之予未之敢信

且漢志泥水出北地郡郵縣北蠻中則其來遠

矣而於六書又絕無據乃近以解水經之故取其

澹水篇讀之則再引地志之文直曰澹水而非沂

水乃知六朝舊本固澹水也夫玄霸素澹古以二

志例必並書而泥水之以青泥軍得公於史其出
 稍晚矣況善長生於師古之疑哉或曰然則師古寧
 其引漢志最審寧復有可疑之本諒非師古所語寧
 漫然無徵乎曰善長所見之本諒非師古所語寧
 矣且師古雖為班固功臣而亦時有失檢之語即
 以水道一節言之大渡之有泝水明見於許叔重
 之說文乃漢志累經傳鈔之後破泝為泚而師古
 亦遂從而實之前輩嘗糾之矣然則澹之譌沂亦
 其例也

水經注第八終

後學王梓材錄董沛重校

